



婦人良方

三

特別
79
231
8

同 中武
第 23 /
卷 9

三刻太醫院補註婦人良方六全卷之七

○婦人嘔吐方論第一

婦人嘔吐良由脾胃不調外邪乘之或胃中虛冷或胃中有熱或中
脫脾痰或胃經血弱治法胃冷者丁香散理中丸胃熱者小柴胡湯
竹茹湯胃虛者霍香正氣散停痰者半夏茯苓湯一陳湯血虛者十
全大補湯加陳皮半夏藿香

愚按東垣先生云前症內有故寒與新穀俱入於胃新故真邪相
攻氣併相逆復出於胃故為噦補手太陰瀉足少陰又云胃因氣
逆為噦夫嘔吐噦者俱屬於胃以其氣血多少為異耳如嘔者陽
明也陽明多血多氣故有聲有物血氣俱病也仲景云嘔多雖有
陽明症慎不可下孫真人云嘔家多服生姜為嘔家之聖藥也氣

逆者必散之故以生姜為主吐者太陽也太陽多血少氣故有物無聲爲血病也有食入則吐以橘皮去白主之噦者少陽也多氣少血故有聲無物乃氣病也以薑製半夏爲主若脾胃虛弱寒邪所客飲食所傷者用六君子香薷香生薑之類若胃中有熱膈上有痰用二陳山梔黃連生薑若久病胃虛嘔而不納者用生薑參朮黃芪香附之類亦有痰膈中焦食不得下者有氣逆而嘔者有氣鬱於胃口有食滯於心肺之分而後出者有胃中有火與痰而嘔者若注船大吐渴飲水者卽死童便飲之最妙前論云血不歸源而嘔用十全大補湯誠發前人之未發愚常用屢効

先生源遠集所論少異仍宜參看之

附治驗

太守陽山之內素善怒胸膈不利吐痰甚多吞酸噯腐飲食少思手足發熱數年矣所服非芩連枳實必積藕厚朴左閔茲洪右閔茲藪此肝火血燥木乘土位朝用六味地黃丸以滋養肝木夕用六君歸芍以調補脾土而愈乙巳夏因大怒吞酸噯腐胸腹脹滿或用二陳石膏治之吐涎如湧外熱如灼脉洪大按之如無余曰此脾胃虛損虛陽發越於外脾敗而涎泛出也用六君加姜桂一鍾卽睡覺而諸症如失又數劑而康

先太宜人飲食後聞外言忤意嘔吐酸水內熱作渴惟飲冷水氣口脉大而無倫面色青赤此肝脾鬱火投之以藥入口卽吐第三日吐宿食第七日吐酸黃水十一日吐若水脉亦洪大仍喜飲冷以黃連煎湯冷飲少許至二十日加白朮茯苓二十五日加陳皮

二千七日加當歸灸草至六十日始進米飲半盞漸進薄粥調理
卽痊

一婦人食後因怒患瘧嘔吐用藿香正氣散而愈後復怒吐痰狂言
熱熾胸膈脹痛手按少得脉大無倫按之後細此屬肝脾二經血
虛以加味逍遙散加熱地川芎二劑脉症頓退再用十全大補湯
而安矣府庠沈姬文母患脾虛中滿痰嗽發熱又食濕麪冷茶吞
酸嘔吐絕食誤服芩連青皮等藥益加寒熱口乾流涎不取開食
食則嘔數日矣迺治余曰脾主涎此脾虛不能約制也欲用人參
安胃散惑於衆論以為胃經寔火宿食治之病日增劇忽思冬瓜
食如指甲一塊填發嘔吐酸水不止仍服前藥愈劇復邀視之則
神脫脉絕瀕死矣惟目睛尚動余曰寒濕于內治以辛熱然藥不

能下矣急用鹽艾附子炒熱熨劑腹以散寒回陽又以口氣補接
母口之氣又以附子作餅熱貼臍間時許神氣少生以參木附子
為末仍以是藥加陳皮煎膏為丸如粟米大入五七粒于口隨津
液嚥下卽不嘔二日後加至十粒諸病少退其涎不止五日後漸
服前劑一二匙胃氣少復乃思粥飲後投以參朮等藥溫補脾胃
五十餘劑而愈

○丁香散 治脾胃氣弱嘔吐水穀不入

- 丁香
- 白木
- 縮砂
- 草菓
- 人參
- 當歸
- 白荳蔻
- 藿香
- 甘草
- 橘皮
- 神麩
- 阿子

右為末每服二錢薑棗湯調

○竹茹湯 治胃熱嘔吐

乾葛二錢

半夏三錢

甘草五分

竹茹

一彈子大

右薑棗水煎服

許學士先生云胃熱者手足心熱也政和中一宗人病傷寒得汗身涼數日忽嘔吐藥食不下用丁香藿香滑石等藥下咽即吐余曰此正汗後餘熱番胃脫正宜竹茹湯用之即愈

○許仁貼半夏丸

治胃冷嘔逆不食

半夏

洗去骨一斤

小麥麩一斤

右水和丸如彈子大水煮熟初服四五丸二服加至十四五丸旋煮間服

○七味人參丸

服前丸不應可從此藥

人參

白朮

各五兩

厚朴姜製

細辛

各四兩

生薑

橘皮

三兩

桂心

兩

●右為末煉蜜丸桐子大米飲下十九漸加至

○青金丸

治嘔吐不已

硫黃

三錢

水銀

一錢

右入銚內慢火化以木片搗炒成砂研至黑不見白星薑汗糊丸菘豆大每服二三十丸米飲下

附方

○人參安胃散

治脾胃虛熱嘔吐泄瀉或飲食不入

人參

一錢

黃芪

炒二錢

生甘草

炙甘草

各五分

白芍藥

七分

白朮

七分

苓

四分

陳皮

三分

黃連

二分

右水煎服

○六君子湯

方見二十四卷第六論

○加味逍遙散

○十全大補湯 二方見二十四卷第四論

言神效
○六味丸 方見二十四卷第十一論

○藿香正氣散 方見二十四卷第九論

○婦人霍亂方論第二

論曰嘔吐而利者名霍亂也因腸胃虛弱飲食過度觸胃風冷清濁相干所致或先腹痛而吐或先吐而痛或吐利並作當分寒熱而治之飲冷者五苓散飲湯者理中丸四肢逆冷脈微細者用通脈四逆湯加猪膽汁中暑霍亂煩渴飲冷轉筋者用香薷散脈浮洪者易治微遲者難治

愚按賈元良先生云暑者相火行令也夏月人感之自口齒而入傷心抱絡之經其症頭疼口乾面垢自汗倦怠少氣或背寒惡熱甚者迷悶不省或霍亂吐利嘔痰腹痛或下血發黃生斑等症治

法清心火利小便為主若自汗熱甚用白虎湯若頭疼惡寒用十味香薷散泄瀉煩渴飲水吐逆用五苓散熱甚煩渴用益元散清之若表解裏熱甚者用黃連解毒湯脈微下利作渴喜溫或厥冷不省人事宜竹葉石膏湯加熟附半枚冷飲次以來復丹五苓散治之故東垣云脾胃虛弱遇夏月淫雨身重短氣甚則四肢痿軟脚軟眼黑當滋肺氣以補水之源是以五月常服五味子人參麥門冬之劑為熱傷元氣故耳丹溪所謂夏月伏陰在內也蓋人之腹屬地已月六陽盡出於地之上矣是人之陽氣亦浮于肌表散于皮毛而腹中之陽虛矣又加以涼臺水館大扇風車寒泉水菓冰涼之物自內及外不用溫熱病所由生陳無擇云凡中暍切不得用冷藥惟用溫養得冷即死道途無湯即以熱土熨臍中溺以

熱尿即避槩可見矣內經曰脉虛身熱得之傷暑難經曰傷暑得之為正邪火自病也當惡臭其病身熱而煩心痛其脉浮大而散傷寒論曰太陽中暍者身熱疼痛而脉微弱或發熱惡寒而脉微細孔遲大抵寒傷形熱傷氣蓋傷氣而不傷形則氣消而脉虛弱故先哲立法夏月宜補良有以也前症若內有所積外有所感用陳湯加減治之或蘿蔔子搗碎服而吐之若飲米湯即死云云同前論若轉筋不在男子以手挽陰女子以手牽乳近兩邊此千金妙法也乾霍亂不得升降死在須臾當以鹽湯吐之後以陳湯加川芎蒼朮防風白芷薑煎服若登園而不通加枳殼若食瓜果飲冷乘風霍亂用六和湯倍加藿香凡中暑而亡者皆因元氣虛弱而暑熱乘之以致泄瀉陽氣暴脫實為陰寒之症宜急補其陽庶得保生緩則不救其他執為暑熱畏以寒藥鮮不誤事愚故以回陽固本之方繼之於後

附治驗

進士李通甫之內冬開衣箱其內衣裳乃夏月所晒者開時覺暑氣所侵良久患霍亂足指足跟俱轉筋甚惡自分必死用香薷飲一劑急煎下咽即愈

○加減理中丸 治肚腹疼痛手足逆冷飲食不入等症

人參 白朮 乾薑 甘草各等分

右為末煉蜜杵勻每兩作五丸每服一丸白湯化下嘔吐加枳實泄瀉加乾薑吐瀉乾嘔加半夏體冷微汗腹寒加胞附子水煎服
○四順附子湯順治霍亂吐利腹痛手足厥冷脉微絕方見八卷論

○四逆湯加猪胆汁名四逆猪胆汁湯

甘草二兩 乾薑三兩 附子一枚生

右每服五錢水煎入猪胆汁半合作二服

香薷散 治吐利腹疼發熱頭痛或霍亂轉筋拘急

香薷二錢 白匾豆 厚朴薑製 茯苓各一錢

右水煎冷服連進二三劑加黃連名黃連香薷飲

附方

○十味香薷散 治伏暑身體倦怠頭痛惡寒或吐瀉等症

香薷一兩 人參 陳皮 白朮炒 茯苓 黃芪炒

木瓜不犯鐵器 厚朴薑製 扁豆 井草炒各半兩

右每服一兩水煎

○清暑益氣湯 治長夏濕熱所蒸四肢困倦精神短少懶於動作

胸滿氣促支節作疼或氣高而喘身熱而煩心下膨悶小便黃數

大便溏類或瀉利作渴不思飲食自汗體重

黃芪炒 蒼朮 升麻各一錢 人參 白朮 神麴炒

陳皮各五分 甘草炙 黃柏炒 麥門冬去心 當歸各三錢 葛根二分

五味子九粒 澤瀉五分 青皮二分 右水煎服

○白虎湯 治胃熱作渴暑熱尤效又治熱厥腹痛身難轉側面垢

謔語不時遺溺手足厥冷自汗脈沉滑

知母 石膏各二錢 粳米半合 右水煎服

○人參白虎湯 治暑熱發渴脈虛等症

人參一錢五分 知母二錢 石膏半兩 甘草一錢

丁酉補入良方

右入粳米一合水煎服

○人參益氣湯 治暑熱傷氣四肢困倦嗜卧少食兩手指麻木

黃芪炒八錢 甘草七錢內 人參兩半 升麻一錢 白芍藥炒三錢

五味百四十箇 柴胡二錢五分 右吹咀分作四服

○大順散 治胃暑伏熱引飲過多脾胃受濕水穀不分清濁相干

陰陽氣逆霍亂嘔吐臟腑不調 甘草炒 乾薑炮 杏仁去皮尖炒 桂去皮

右為末每服二三錢湯點服

○消暑丸 治傷暑發熱頭疼或嘔吐泄瀉二便不分

半夏 甘草炒 茯苓各半斤

右為末生姜汁和丸桐子大每五十九丸水下易簡方姜汁好醯煮

半夏末作糊丸服

○姜附湯 治霍亂轉筋手足厥冷汗出嘔逆腹痛脈欲絕者

乾姜炮一兩 附子一箇生用 右為末每服五錢水煎服

○通脈四逆湯 治霍亂惡寒腹痛身冷自汗脈沉微如欲絕

吳茱萸炒二兩 附子炮一兩 桂心 通草 細辛

白芍藥炒 甘草炙各半兩 當歸三錢

右每服四錢水酒生薑煎如不應更加倍服之以效為度

○半夏解毒湯 治一切暑熱毒五心煩躁口舌咽乾

黃柏炒 黃芩炒 山梔子炒 半夏等分

右每服五錢水煎

○六和湯 治冒暑伏熱煩悶霍亂轉筋吐瀉寒熱交作頭目昏痛

嗜卧倦怠小便赤澁不問胎產並服之

縮砂

半夏

湯炮七次

杏仁

去皮尖

人參

甘草

炙各一兩

赤茯苓

藿香

木瓜

各二兩

白扁豆

薑汁炒

香薷

厚朴

薑製各四兩

右每服一兩薑棗水煎服

○益元散

治中暑身熱小便不利或發熱躄痛口乾作渴

滑石

六兩

甘草

微炒一兩

右為末每服三錢加蜜少許湯水任下

○二陳湯

方見二十四卷第五論

○來復丹

五苓散

二方見二十一卷第十論

○竹葉石膏湯

方見十二卷第十論

○婦人翻胃吐食方論第三

論新增

愚按病机云前症有三日氣積寒也皆從三焦論之上焦吐者從於氣氣者天之陽也其脉浮而洪食已暴吐渴欲飲水大便燥結氣上衝胸發痛其治法當降氣和中中焦吐者從於積有陰有陽食與氣相假為積而痛其脉浮而匿其症或先痛而後吐或吐而後作痛治法當以小毒藥去其積檳榔木香行其氣下焦吐者從于寒地之道也其脉沉而遲其症朝食暮吐暮食朝吐小便清大便秘而不通治法當以毒藥通其閉塞溫其寒氣大便漸通復以中焦藥和之不令大便秘結而自愈也王太僕曰食不得入是有火也食入反出是無火也又發明曰噎者六腑之所主陽也氣也塞者五臟之所主陰也血也二者皆由陰中伏火而作也劉宗厚先生曰若三焦傳化失常所致主於氣也若血虧胃腕乾稿所致

因於血也塞猶填塞不通之義故發明有治幽門不通噎塞不便
通幽湯例蓋陽無陰不能通化陰之失位而陽伏其中傳化不變
而反上行矣故前症或由飲食起居七情虧損脾胃痰飲停滯中
氣不運當以補中益氣湯爲主若鬱結傷脾用歸脾湯加枳殼桔
梗若恚怒傷肝用小柴胡加梔芩參木脾氣虛弱用六君加山梔
枳殼氣血俱虛用八珍湯加山梔半夏若用行氣之藥胸膈痞悶
用六君芫歸之類若過用香燥之劑而大便結燥用四物參朮之
類若飲食不能入用六君山梔吳茱萸製黃連若食入而反出用
六君炮薑白荳蔻黃連製吳茱萸若痰滯而食反出用六君枳殼
桔梗若飲食少思大便不實胸膈痞悶吞酸噯腐食反不化是爲
脾胃虛寒用東垣固真丸或八味丸若發熱煩熱身惡風寒腹脹
熟食或手足俱冷胸膈腹脹是內真寒外假熱用神效附子丸或
八味丸大凡嘔吐善食喜飲冷水是爲有火嘔吐少食喜飲熱湯
是爲無火當審其因而治之

附治驗

一婦人患前症胸膈痞悶得去後或泄氣稍寬余曰此屬脾氣鬱結
而虛弱也當調補爲善不信乃別用二陳枳實黃連之類不應又
用香燥礮氣前症益甚形氣愈虛余用加味歸脾湯調治不出半
載而痊

一婦人患前症胸膈脹悶或小腹不利或時作痛小便滯滯余曰此
肝火血虛也當清肝火生肝血養脾土生肺金以余言爲迂別服
利氣化痰等劑前症益劇虛症益起余用加味逍遙散加味歸脾

湯蕪服尋愈

一婦人患吐痰甚多手足常冷飲食少思余曰此肝脾鬱怒蕪命門火衰不信另服化痰利氣之劑胸腹愈脹又服峻利疎導之劑余曰非其治也必變脾虛發腫之症急服金匱加減腎氣丸庶有可救仍不信反服沉香化氣等丸果發腫而歿

○白朮散 治虛熱翻胃用白朮土一斤米醋一斤煨土赤入醋內再煨再入以醋乾為度取土一兩入炮薑一錢為末每服一錢米飲下甚者二錢須服四兩有效

治實熱翻胃用黃連五錢生薑汁浸炒山查三錢保和丸三錢同為末糊丸麻子大胭脂為衣每服六十九煎人參湯入竹瀝下之

○太倉丸 治胃弱翻胃

肉豆蔻

砂仁

各一兩

丁香

二兩

陳倉米

升炒

右為末薑汁糊丸桐子大每服六七十九薑湯下

○青金丹 每服三十九生薑陳皮煎湯送下方見前嘔吐類

附方

○東垣補真丸

肉蓯蓉

酒浸焙

葫蘆巴

炒

附子

炮去皮

陽起石

煨

肉豆蔻

麩裹

兔絲子

淨洗酒浸蒸

川烏

炮去皮

沉香

五味子

各五錢

鹿茸

酒浸炒

巴戟

心去

鍾乳粉

各一兩

右為末用羊腰子兩對治如食法葱椒酒煮搗爛入酒糊丸如梧子大每服七十九空心米飲鹽湯任下

○神效附子丸 治脾腎虛寒嘔吐或翻胃膈噎用黑附子重一兩

四五錢端正底平突團一枚灰火炮皮裂入生姜自然汗內浸潤
晒乾再炮再入汁浸潤仍晒再炮用盡姜汁半碗爲度却去皮劑
爲末以人參煎膏丸黍米大每服數丸津唾嚥下胃氣稍復飲食
稍進投以溫補之劑

○六君子湯

○補中益氣湯

○四物湯

三方見二十四卷第六

○歸脾湯

○加味歸脾湯

○八珍湯

○加味逍遙散

四方見二十四卷第四論

○八味丸

方見二十四卷第十一論

○二陳湯

方見二十四卷第五論

○金匱加減腎氣丸

方見二十二卷第十論

○婦人血隔方論第四

愚按前症若氣逆而血滯用流氣飲若恚怒而血逆用小柴胡山
梔丹皮血虛用四物參朮柴胡山梔丹皮若鬱結而血傷用加味
歸脾兼加味逍遙散脾虛不能生血用六君歸芎胃虛不能生血
用益氣湯若肝虛而不能藏血用補肝散如不應兼以六味丸若
因脾肺虛用補中益氣湯如不應用六君加味湯

附治驗

一婦人患前症胸膈痞悶余曰此屬脾經血虛遂用四君芎歸調補
脾氣尋愈又因怒食兩脇痞悶頭目不清月經旬餘未竭用加味
逍遙散加鈞藤治之復瘥

一婦人患前症胸膈作痛面青目劓小便頻數或時寒熱此肝氣滯
而血凝先用失笑散二服痛止又用加味逍遙散而愈

一婦人所患同前泛用行氣破血之劑以致不起

○神功散 治血滯胸腹作痛

五靈脂炒一兩 莪朮 桂心 芫花炒各半兩

右每服二錢酒水煎

附方

○流氣飲 方見三卷第七論

○小柴胡湯 方見二十四卷第二論

○加味歸脾湯 ○加味逍遙散 二方見二十四卷第四論

○四物湯 ○補中益氣湯 ○四君子湯

○六君子湯 四方見二十四卷第六論

○補肝湯 方見本卷第十七論

○六味丸 方見二十四卷第十一論

○失笑散 方見二十卷第五論

製吳茱萸黃連法用二味等分用熱湯拌濕和勻重湯頓煮使氣相通同炒焦各揀出聽用

○婦人鼻血方論第五

婦人氣血調和則循環經絡若勞傷元氣陰虛火動氣逆於肺則血隨鼻而衄產後尤不可治陳無擇曰亦有因怒氣而得者趙恭人鼻衄先用蘇合香丸四粒次用五苓散濃煎白茅花湯調服即止又用芎歸湯調理而安一富男鼻血六脈洪數訊之云曾服丹藥遂用芩連大黃為末水調服解之而

愚按前症若熱鬱於胃經用犀角地黃湯若伏暑於內用黃連香

驚飲若大怒血蓄于上用小柴胡湯若脾損不能攝血歸源用歸脾湯大凡雜症見血多因陰分鬱熱或內有所傷皆屬五志所動經曰諸見血身熱脈大者難治是火邪勝也身涼脈靜者易治是正氣復也仍與後症同用

附治驗

一婦人經素不調因怒衄血此肝火熾盛用加味小柴胡加紅花二劑血止又用加味逍遙散八珍湯兼服三十餘劑經行如期

一婦人鬱結而患前症用力以歸脾湯其血漸止飲食漸進用加味逍遙散元氣漸復寒熱漸止後因怒仍衄寒熱往來用小柴胡湯加芩歸丹皮而愈

一婦人因勞衄血服涼血之劑更致使血或以血下為順仍用治血

余曰此因脾氣下陷而血從之當升補脾氣庶使血歸其經不信果血益甚余朝用補中益氣湯夕用加味歸脾湯而愈此症用寒涼止血不補脾肺而死者多矣

○刺薊散 治血熱鼻衄

刺薊

生地黃各二錢

桑耳

亂髮灰

艾葉炒各一錢

蒲黃五分

右水煎服

○犀角地黄丸 方見後

○又方用白茅根汁一合飲之即止

○又方用生葱心塞鼻中血即止若刀斧所傷用之血亦止

○四物湯加側柏生地黃治虛熱吐血甚效若脾經血虛須用四君加芩歸若脾經結鬱須用歸脾湯若肝腎虧損須用六味丸若氣

血俱虛須用十全大補湯

附方

○濟生犀角地黄湯 治熱鬱不解泛行經絡或流腸胃隨氣湧泄
以致衄血吐血或為便血並皆治之

犀角

鎊如無
升麻代

生地黄

白芍藥

牡丹皮

各一
錢

右每服四五錢水煎若實熱熾甚加炒黃芩若去血過多或脾肺
之氣虧損不能攝血歸源者急用四君子湯鬱結者用歸脾湯

○批把葉散

治暑毒攻心衄血嘔血或吐瀉作渴

香薷

二錢

厚朴

治暑製一
錢半

甘草

麥門冬

去
心

木瓜

不見
鐵器

白茅根

各一
錢

批把葉

陳皮

丁香

各半
錢

右每服三五錢薑水煎

○黃連香薷飲

治伏暑衄血不拘四時

方見本卷
第二論

○小柴胡湯

○加味小柴胡湯

二方見二十四卷第二論

○歸脾湯

○加味逍遙散

○八珍湯

○加味歸脾湯

四方見二十四卷第四論

○補中益氣湯

方見二十四卷第六論

○婦人吐血方論第六

婦人吐血者用臟腑傷損所致夫氣血外行於經絡內榮於臟腑若
六淫七情飲食起居有所損傷行失常道逆則吐血也

愚按前症若脾經鬱熱用犀角地黄湯脾胃伏暑用黃連香薷飲
症心脾鬱熱用生地黄湯心氣耗損用茯苓補心湯脾氣勞傷用

鷄蘇散思慮傷脾用歸脾湯暴怒肝火用加味小柴胡湯又怒肝

傷六味地黃丸脾肺虛熱用麥門冬飲肝腎虛熱用六味地黃丸
氣血俱虛用十全大補湯經云脾朝百脉之氣肝統諸經之血必
用甘溫之劑補其陽氣使血各歸其經如大吐血病母論其脈急
用獨參湯救之若潮熱咳嗽而脈數者元氣虛而假熱之脈也皆
由脾胃先損須用人參之類本草云人參治脾胃不足補中溫中
瀉脾肺中火東垣先生云脾胃虛者心血亢甚而乘土位肺氣受
邪須用黃芪最多人參甘草次之脾胃一虛肺氣先絕故用黃芪
以益皮毛而閉腠理嘗治氣血虛弱用十全大補最善若用寒涼
止血胃氣反傷無不致禍

附治驗

一老婦每作先飲食不進或胸膈不利或中脘作痛或大便作瀉或
小便不利余以為肝脾之症用逍遙散加山梔茯神遠志木香而
愈後鬱結吐紫血每作先倦怠煩熱以前藥加炒黑黃連三分吳
茱萸二分頓愈後因怒吐赤血甚多燥渴垂死此血脫也法當補
氣乃用人參一兩蒼朮當歸各三錢陳皮炮黑乾薑各一錢灸甘
草木香各一錢一劑頓止又用加味歸脾湯調理而痊

一女子懷抱素鬱胸滿食少吐血面赤用六味丸及歸脾加山梔貝
母芍藥而愈

一婦人爲哭母吐血咳嗽發熱盜汗經水不行此悲傷肺思傷脾朝
服補中益氣加桔梗貝母知母女用歸脾湯送六味丸而愈

○養脾湯 治虛熱吐血衄血汗出

甘草炒 白芍藥炒 黃芪各半兩 熟地黃自製一兩 伍錢

右每服伍錢水酒煎

一婦人月經不利忽妄行嘔血察其形脉如常用四生丸即安一女
子飽食負重而吐血用前湯及青餅子而愈世治吐血並用竹茹
地黄藕汁亦不可拘泥如陽乘於陰血得熱則流散經水沸溢理
宜涼解大黃犀角之類如陰乘於陽所謂天寒地凍水凝成冰須
當溫散乾姜肉桂之類

○四生丸 治乘陽於陰以致吐血衄血

生荷葉 生艾葉 生柏葉 生地黄各等分

右研丸鷄子大每服一九水煎服陳白華云先公嘗遊靈石寺主
僧黃飯設卓一僧見卓不穩急俯穩之舉首即嘔血明年到寺問
舊嘔血者何如主僧言服得四生丸遂愈自得此方屢治有效

意前症乃外熱暴患用之有效若人病久本元不足須補脾以滋
化源否則虛火上炎金反受剋獲生鮮矣

○犀角地黄湯 方見前

○薑草湯 若陰乘於陽寒而嘔血

甘草炒 乾姜各一錢 右水煎服理中湯亦妙

○花蓋石散 治瘀血積於內以致大小便不通或血畜於上而吐
不止一婦人若吐血百藥不效童便酒調不數服而愈方見胎衣不下

○如聖散 治吐血不已每服二錢米飲下方見十七卷

附方

○濟生鷄蘇散 治勞傷肺經唾中有血咽喉不利

鷄蘇葉 黃芪炒 生地黃 阿膠炒 貝母 白茅根各一錢

桔梗炒 麥門冬去心 蒲黃炒 甘草炒各五分 右薑水煎服

○生地黄散 治鬱熱衄血咯血吐血陰虛而不能愈者

枸杞子 柴胡 黃連炒 地骨皮 天門冬 白芍藥炒

甘草炒 黃芩炒 黃芪炒 生地黄 熟地黄自製各五分

右水煎下血加地榆

○三因茯苓補心湯 治面色黃瘁五心煩熱咳嗽吐血

半夏 前胡 紫蘇 茯苓 人參 枳殼炒

桔梗炒 甘草炒 乾葛各五分 當歸錢一 川芎 陳皮

白芍藥各一錢 熟地黄自製一錢五分

右薑棗水煎服

○麥門冬飲子 治氣虛吐血或氣虛不能攝血者

五味子抄十粒 麥門冬去心 黃芪炒各一錢 生地黄各半錢 用水煎服

○十全大補湯 治胃氣虛弱吐血衄血使血不止以致外症惡寒

發熱自汗盜汗食少體倦或寒熱作渴頭疼眩暈而似中風或氣

血俱虛胸腹脇痛或骨節作痛經候不調或寒熱往來發熱晡熱

或五心發熱咽乾舌燥或痰嗽喘促胸膈虛痞或嘔吐泄瀉手足

冷熱等症

○歸脾湯 加味道遙散 二方見二十四卷第四論

○加味小柴胡湯 方見二十四卷第二論

○六味丸 ○八味丸 二方見二十四卷第十一論

○獨參湯 方見三卷第十一論

○補中益氣湯 方見二十四卷第六論

○黃連香薷飲 枇杷葉散

○婦人痲痺諸氣方論第七

婦人痲痺因元氣虛弱而邪氣積聚蓋痲者在腹內近臍左右有筋脈急痛如臂如指如絃之狀痲者僻在兩肋之內有時而痛皆陰陽不和經絡痞隔飲食停滯冷氣固結而成也

愚按前症因飲食起居七情失宜虧損臟腑氣血乖違陰絡受傷循行失度所致羅謙甫先生曰養正邪自除必先調養使榮衛充實若不消散方可議下但除之不以漸則必有顛覆之害若不守禁忌縱嗜慾其有不喪身者鮮矣

附治驗

一婦人內熱作渴飲食少思服內初如鷄卵漸大四寸許經水三月

一至肢體消瘦齒頰似瘡脈洪數而虛左關尤甚此肝脾鬱結之症外貼阿魏膏午前用補中益氣湯午後用加味歸脾湯兩月許肝火少退脾土少健午前以補中益氣下六味丸午後以逍遙散下歸脾丸又月餘日用蘆薈丸二服空心以逍遙散下日膳以歸脾湯下喜其謹疾調理年餘而愈

一婦人腹內一塊不時上攻或作痛有聲或吞酸痞悶月經不調小便不利二年餘矣面色青黃余以爲肝脾氣滯以六君加芎歸柴胡炒連木香吳茱萸各少許二劑却與歸脾湯下蘆薈丸三月餘肝脾和而諸症退又與調中益氣加茯苓丹皮中氣健而經自調一婦人性多鬱善怒勤於女工小腹內結一塊或作痛或痞悶月經不調恪服伐肝之劑內熱寒熱胸膈不利飲食不甘形體日瘦牙

言補如人... 七卷... 十九
齧齶爛此脾土不能生肺金肺金不能生腎水腎水不能生肝木
當滋化源用補中益氣六味地黃至仲春而愈

松江太守何恭人性善怒腹結一塊年餘上腭齶透血氣虛極時
季冬肝脉洪數按之弦緊或用伐肝木清胃火之藥余曰真氣虛
而邪氣實也恐伐肝木至春不能發生耳用八珍湯以生氣血用
地黃丸以滋腎水肝脉頓退因大怒耳內出血肝脉仍大煩熱作
渴此無根之火也仍以前藥加肉桂二劑脉歛熱退復因大怒果
卒於季冬辛巳日乃金尅水故也

一婦人經候過期發熱倦怠或用四物黃連之類及兩月一度且少
而成塊又用峻藥通之兩目如帛所蔽余曰脾為諸陰之首目為
血脉之宗此脾傷五臟皆為失所不能歸於目也遂用補中益氣

濟生歸脾二湯專主脾胃年餘而愈

○麝香丸 治痲痺冷氣心腹作痛

- 麝香二錢 另研
- 五靈脂炒
- 阿魏五錢 麩裹 炒 冷 炒 熱
- 桃仁
- 三稜各一兩 醋製
- 芫花醋炒
- 檳榔各一兩
- 莪茂醋製
- 桂心
- 沒藥
- 木香
- 當歸各半兩

石為末飯丸桐子大每服十九淡醋湯下

治痲痺神效以獐猪肝一具重十餘兩用巴豆仁五十枚入肝內用

醃醋三碗慢火熬乾研爛量入三稜末丸桐子大每服五丸食前

熱酒下

羅安人每經行臍腹痛甚以桃仁桂枝湯一劑而瘥方見第十一卷第二論

治經來腹先痛用局方七氣湯送來復丹局方積氣痞痲癥瘕諸

症亦效

附方

○蘆薈丸 治痔瘻肌肉消瘦發熱潮熱飲食少思口乾作渴或肝
痺食積口鼻生瘡牙齦腫爛等症

蘆薈

胡黃連

黃連炒

木香

白蕪荑

炒

青皮

各五錢

當歸

茯苓

陳皮

各一兩五錢

甘草

炒七錢

右為末米糊丸桐子大每服七八十九米湯下

○阿魏膏 治一切痞塊更服胡連丸

羌活

獨活

玄參

官桂

赤芍藥

川山甲

生地黄

兩頭尖

大黃

白芷

天麻

各五錢

槐柳桃枝

各三錢

紅花

四錢

木鼈

十枚

去殼亂髮

如雞子一團

石油一斤四兩煎黑去粗入髮煎髮化仍去粗徐下黃丹
軟硬得中入芒硝阿蘇合油乳香沒藥各五錢麝香三錢調勻即
成膏矣攤貼患處內服丸藥黃丹須用真正者效凡貼膏藥先用
料稍隨患處鋪半指厚以紙蓋用熱熨斗熨良久如硝耗再加熨
之二時許方貼膏藥若是肝積加蘆薈末同熨

○六君子湯

○補中益氣湯

二方見二十四卷第六論

○八珍湯

○加味加脾湯

○歸脾湯

○逍遙散

四方見二十四卷第四論

○六味丸

方見二十四卷第十一論

○調中益氣湯

方見四卷第五論

○婦人痲瘰方論第八

婦人痲瘦之病由飲食不調血氣勞傷或胎產經行風冷相搏所致
蓋亦者痛也瘦者假也脈弦急者生虛弱者死尺脈濇浮牢為血實
氣虛腹痛逆氣上行此為胞中有惡血又則經成症也

愚按子和先生云遺溺閉瘕陰痿浮痺精滑白淫皆男子之痲也
若血涸月事不行行後小腹有塊或時動移前陰突出後陰痔核
皆女子之痲也但女子不謂之痲而謂之瘕

附治驗

一婦人小腹瘕脹小便時下白帶小水淋瀝此肝經濕熱下注用龍
膽瀉肝湯而愈

一婦人小腹脹痛小水不利或胸乳作痛或脇肋作脹或氣逆心吻
余以為肝火而血傷脾用四物柴胡青皮玄胡索木香而愈

婦人小腹痞悶小便不利內熱體倦懶食用八珍湯加柴胡山梔
龍膽草治之而安

○乾漆散 治痲瘕脇肋疼痛

乾漆

炒令相火

木香

芫花

醋炒

赤芍藥

桂心

當歸

川芎

琥珀

各半兩

大黃

二兩炒

牛膝

一兩

桃仁

去皮尖一兩另研

麝香 一錢

右為末每服一錢溫酒調下

○蟠葱散 治前症屬寒氣不散疼痛甚效

方見二十四卷第八論

附方

○實鑑蒺藜湯

治陰痲小腹作痛小便不利手足逆冷或脇腹

悶痛

蒺藜

去刺

附子

炮

梔子

去皮各半兩

右末每三錢水煎食前溫服

○丹溪定痛散 治寒痲疼痛速效

枳殼^{十五箇} 山梔子^炒 唐菟子 吳茱萸^炒 荔枝核^{炮各等分}

右末用長流水調下一二錢空心服

○三因失笑散 治小腸疝氣痛或血氣肚腹作痛 方見二十一卷第五論

○龍膽瀉肝湯 方見二十四卷第八論

○四物湯 方見二十四卷第六論

○八珍湯 方見二十四卷第四論

○婦人八瘕方論第九

婦人臟腑調和經脈循環則月水以時而無病若乘外邪而合陰陽則小便胸脇腰背相引而痛月事不調陰中腫脹小便淋瀝面色黃

黑則瘕生矣八瘕者黃青燥火脂狐蛇蠍是也千金外臺言之詳矣

愚按經曰氣主虛之血主濡之若血不流則凝而為瘕也瘕者中

雖硬而忽聚忽散多因六淫七情飲食起居動傷臟腑而成當與

瘕癖諸症治同慎不可復傷元氣

○桃仁煎 治血瘕

桃仁 大黃^{炒各一兩} 童蟲^{半兩} 朴硝^{炒黑}

右為末以醇醋一鍾石器中煮三分下煎三味不住手攪煎至可

丸下朴硝丸桐子大不喫晚食五更初溫酒下五丸日午下穢物

如未見再服仍以調氣血藥補之予向在毗陵一婦人小便不通

臍腹脹甚予診之曰此血瘕也用前藥一服腹痛下血塊血水即

愈此藥猛烈大峻氣血虛者斟酌與之

○大硝石丸 治七癥八瘕當用此藥去之不令人困

硝石 兩三

大黃 兩四

人參 錢一

甘草 分八

右為末苦酒一升石器中先入大黃煎膏入餘藥丸梧桐子大每服三十九米飲下三日一服宜下赤物

○婦人腹中瘀血方論第十

婦人腹中瘀血者由月經閉積或產後餘血未盡或風寒滯瘀久而不消則為積聚癥瘕矣

愚按前症若鬱結傷脾用加味歸脾湯若悲怒傷肝用加味道遙散若產後惡露用失笑散若肝脾虧損用六君柴胡以補元氣為主胃氣虛弱用益氣湯加茯苓半夏為主大凡腹中作痛畏手按者此內有瘀血若形體如常屬病纏元氣俱實用桃仁承氣湯直下之若痛而肢體倦怠飲食少思此脾胃受傷屬病氣有餘元氣不足用當歸散調和之若痛而喜手按腹形體倦怠飲食少思此形氣病氣俱不足用六君炮薑芎歸純補之若痛而大便不實飲食難化此脾胃虛寒用六君炮薑肉果溫補之若痛而作嘔少食此脾胃虛弱用六君炮薑藿香若痛而嘔吐不食泄瀉用六君加姜桂若無手足逆冷自汗更加附子此症多有因攻伐而致者

附治驗

婦人耳下腫赤寒熱口苦月經不調小腹內一塊此肝火氣滯而血凝也用小柴胡加山梔川芎丹皮之諸症悉退

婦人久患腹痛去瘀血方止而復大痛諸藥不納予以脾胃之氣虛寒用參朮炮薑丸如黍每用數粒津嚥下後以二味濃煎漸呷

而愈

○桃仁丸 治瘀血不利月水不調發熱作渴心腹滿急或肚腹中作痛

桃仁

大黃炒各二兩 蜚蠊炒去翅足 水蛭炒魚各四十枚

右為末煉蜜丸桐子大每服五六丸空心熱酒下

附方

○桃仁承氣湯 治瘀血小腹急痛大便不利或譫語口乾漱水不嚥遍身黃色小便自利或血結胸中手不敢近腹或寒熱昏迷其人如狂

桃仁半兩

大黃炒一兩

甘草二錢

肉桂一錢

右薑水煎發日五更服

附方

○加味歸脾湯 治瘀血已去或脾經失血小腹作痛無寐發熱盜汗或脾傷不能攝血或心脾傷痛嗜卧少食或憂思傷脾血虛發熱或肢體腫痛大便不調或經候不准脯熱內熱

○加味逍遙散

方見二十四卷第四論

○失笑散

方見二十四卷第五論

○六君子湯

○補中益氣湯 二方見二十四卷第六論

○當歸散

方見後卷第五論

○小柴胡湯

方見二十四卷第一論

○婦人癥瘕方論第十一

婦人癥瘕由飲食失節脾胃虧損邪正相搏積于腹中牢固不動故

名曰癥得冷則作痛冷入子藏則不孕入胞絡則月水不通

愚按前症若脾胃虛弱用六君子加芎歸若肝脾虛弱用補中益氣及歸脾湯若肝火鬱滯佐以蘆薈地黃二九外貼阿魏膏患者須慎七情六淫飲食起居治者不時審察病機而藥之庶幾有效

附方

○川山甲散 治癥痞瘕血心腹作痛

川山甲 鱉甲醋 赤芍藥 大黃炒 乾漆炒 桂心各一兩

右為末每服一錢酒調下

○六君子湯 ○補中益氣湯 二方見二十四卷第六論

○歸脾湯 方見二十四卷第四論

○六味地黃丸 方見二十四卷第十二論

○蘆薈丸 二方見本草第七論

○婦人食癥方論第十二

婦人食癥由臟腑虛弱經行不忌生冷飲食或勞傷元氣所致陳無擇云經不行者宜先導之然後固元氣為主

愚按前症若形氣虛弱須先調補脾胃為主而佐以消導若形氣充實當先疏導為主而佐以補脾胃若氣壅血滯而不行者宜用烏藥散散而行之若脾氣虛而血不行者宜用四君芎歸補而行之若脾氣鬱而血不行者宜用歸脾湯解而行之若肝脾血燥而不行者宜用加味逍遙散清而行之大抵食積痞塊之症為有形蓋邪氣勝則實真氣奪則虛當養正闢邪而積自除矣雖然堅者

削之客者除之胃氣未虛或可少用若病久虛乏者不宜輕用

○烏藥散 方見後

○婦人積年血癥方論第十三

婦人積年血癥由寒溫失節脾胃虛弱月經不通相結盤牢久則腹脇苦痛宜用三稜煎主之

愚按前症多兼七情虧損五臟氣血乖違而致蓋氣主虛之血主濡之脾統血肝藏血故鬱結傷脾悲怒傷肝者多患之腹脇作痛正屬肝脾二經症也竊謂羅謙甫先生云養正積自除東垣先生云人以胃氣為本治法宜固元氣為主而佐以攻伐之劑當以歲月求之若欲速效投以峻劑反致有誤右七症方藥當互相參用

附方

○三稜煎 治血癥血瘕食積痰滯

莪木 醋浸 妙 三稜 各三兩 青皮 去白 半夏 炒各

右用好醋一鍾煮乾焙為末醋糊丸桐子大每服三四十九淡醋湯下痰積薑湯下

○婦人血氣心痛方論第十四

婦人血氣心痛由臟腑虛弱風冷所乘蓋心為諸臟之主若心受傷各真心痛朝發夕死夕發旦死若心絡傷故痛發乍輕乍甚而成斯症也

愚按前症若寒邪所傷溫散之飲食停滯消導之肝火妄動辛平之脾氣鬱結和解之仍與後六症方藥同用

附治驗

一婦人久患心痛飲食少思諸藥到口即吐予以為脾土虛弱用白朮一味同黃土炒去土每服一兩以米泔煎濃徐服少許數日後自能大飲用三斤餘而安

上舍陳履學長子室素怯弱產後患疥瘡年餘不愈因執喪旬月每欲眩仆一日感氣忽患心脾高腫作疼手不可按而嘔吐不止六脈微細或見其形實誤認諸痛不可補氣乃用青皮木香五味吳茱萸等藥而愈繼復患瘡且墮胎又投理氣行血之藥病雖去元氣轉脫再投參芪補劑不應矣六脈如絲欲絕迺予至診之日形雖實而脈虛極反用理氣之劑損其真氣故也連投參芪歸朮附子薑桂二劑間用八味丸五日寢食漸甘六脈全復此症若心脾疼痛時即服此等藥瘡亦不作矣

附方

○烏藥散 治血氣壅滯心腹作痛

烏藥 莪朮醋浸 桂心 當歸
桃仁 青皮 木香各等分

右為末每服二錢熱酒調下

○靈苑方 用玄胡生靈脂為末每服一錢沸湯下日三服

○八味丸 方見二十四卷第十一論

○婦人血氣心腹疼痛方論第十五

婦人血氣心腹疼痛由臟腑虛弱風邪乘之真邪相搏隨氣上下故心腹作痛也

愚按前症若氣滯血瘀用沒藥散勞傷元氣用益氣湯肝脾鬱結

用四七湯怒動肝火用小柴胡湯肝脾血虛用四物湯脾肺氣虛用四君子湯中氣虛弱用補中益氣湯氣血俱虛用八珍湯

附治驗

一婦人每怒心腹作痛久而不愈此肝火傷脾氣也用炒山梔二兩生薑五片煎服而痛止更以二陳加山梔桔梗乃不發
一婦人懷抱鬱結不時心腹作痛諸藥不應用歸脾湯倍加炒山梔而愈

陳湖陸小村母久患心腹疼痛每作必胸滿嘔吐手足俱冷面赤唇麻咽乾舌燥寒熱不時月餘竟夕不安其脈洪大衆以痰火治之屢止屢作迨乙巳春發頻而甚仍用前藥反劇此寒涼損真之故內真寒而外假熱也且脈息洪弦而有怔狀乃脾氣虧損肝木

乘之而然當溫補胃氣遂用補中益氣湯加半夏茯苓吳茱萸木香一服熱寐徹曉洪脈頓斂惟麻項除諸症釋然

附方

○琥珀散 治氣滯心腹撮痛或月經不行小腹疼痛

烏藥

義茂

醋浸炒

當歸

右爲末每服二錢溫酒調下

○蠲痛散 治血氣刺痛

荔枝桃

燒存性

香附子

一兩

右爲末每服二錢鹽酒調下

○菖蒲丸 治血積心脾作疼

男六德續添

九節菖蒲

六兩

吳茱萸

炒

香附子

各四兩

石為末醋調神麴糊丸桐子大每服四五十九淡薑湯調下

○沒藥散 治血氣不行心腹作痛或行注疼痛或月經不調發熱

哺熱並用之

紅花

沒藥

當歸

玄胡索

炒各等分

右為末每服二錢童便酒調下

○木香枳木丸 破滯氣消飲食開胃進食消化痰涎

木香

枳實

炒各一兩白木二兩

右每服五錢薑棗水煎服

○木香化滯湯 治脾胃虛弱飲食停滯腹脹作痛或心下痞滿不

思飲食若憂怒飲食而致者尤宜用之

木香

紅花

各三錢

橘皮

當歸稍

各二錢

柴胡

四錢

草豆蔻

甘草

炙半兩

半夏

一兩

枳實

炒二錢

右每服三五錢薑水煎服

○補中益氣湯 一○四君子湯

○四物湯

三方見二十四卷第六論

○四七湯 方見十一卷第七論

○小柴胡湯 方見二十四卷第二論

○八珍湯 一○歸脾湯 二方見二十四卷第四論

○二陳湯 方見二十四卷第五論

○婦人血氣小腹疼痛方論第十六

婦人小腹疼痛由胞絡傷冷搏於血氣結於小腹因虛發動故痛也

愚按前症若氣寒血結用葳靈散氣滯血凝用當歸散肝經血虛

用四物湯加參朮柴胡肝經濕熱用龍膽瀉肝湯脾氣虛用六君

子湯加柴胡芍藥肝脾虛寒用六君子湯加柴胡肉桂若愈嘔吐
加木香四股逆冷再加炮薑

附治驗

通府張孟處云其妹小腹痛服附子理中湯附子服過八十餘枚
此乃沉寒痼冷之甚不多有者

附方

歲靈仙散 凡冷氣滯血小腹疼痛或經行遇怒腹脹痛宜用之

歲靈散兩當歸 沒藥 木香 桂心各半兩

右為末每服一錢熱酒調

○當歸散 凡血積小腹疼痛或因氣逆月經不行肚腹作痛

當歸炒 赤芍藥 劉寄生 沒藥 枳殼炒 玄胡索炒

右為末每服一錢熱酒調下

○四物湯 ○六君子湯 二方見二十四卷第六論

○龍膽瀉肝湯 方見二十四卷第八論

○附子理中湯 方見二十一卷第九論

○婦人兩脇脹痛方論第十七

婦人兩脇脹痛因臟腑虛弱氣血不調風冷客於胞絡相搏壅塞故
也

愚按東垣先生云胸腹作痛口苦舌乾寒熱往來發嘔發吐四肢
滿悶淋瀝便難腹中急痛此肝木之妄行也竊謂前症若暴怒傷
血用小柴胡芍歸山梔氣虛用四物參朮柴梔若久怒傷氣用六
君芍歸山梔若氣血俱虛用六味地黃丸若經行腹痛寒熱晡熱

或月經不調發熱痰咳少食嗜卧體痛用入珍柴胡丹皮若脇脹
發熱口渴噎痰或小便淋瀝頸項結核或盜汗便血諸血失音用
二味丸若兩脇作脹視物不明或筋脈拘急或面青小腹痛或小
便不調用補肝散若藥用香燥之劑反傷清和之氣則血無所生
諸症作焉

丹溪先生云右脇痛用推氣散小龍膏丸當歸龍薈丸控涎丹抑
青九十棗湯皆病氣元氣俱實之劑用者審之

附治驗

一婦人性急吐血發熱兩腹脹痛日晡益甚此怒氣傷肝氣血俱虛
也朝用逍遙散倍加炒黑山梔黃楮貝母桔梗麥門冬夕以歸脾
湯送地黃丸而愈

一婦婦內熱肺熱肢體痠麻不時吐痰或用清氣化痰藥喚間不利
白帶腹脹用行氣散血藥胸膈不利肢體特麻此鬱怒傷肝脾而
藥益甚也予則朝用歸脾以解脾鬱生脾氣夕用加味逍遙散以
清肝火生肝血百餘劑而愈後怒飲食日少肢體特麻此乃肝火
侮土用補中益氣加山梔茯苓半夏而痊又飲食失調兼有怒氣
肢體麻甚月經如注脈浮洪而數此脾受肝傷不能統血而致崩
肝氣虧損陰血而脈大繼用六君加芎歸炮薑而血崩止又用補
中益氣加炮薑茯苓半夏而元氣復更用歸脾湯逍遙散調理而
康

附方

○葦靈仙散 治冷氣血滯兩脇作痛

方見前

○人參紫荆皮散 治心腹刺痛胸膈飽滿不進飲食

紫荆皮 蒼朮 石菖蒲 各一兩 香附子 二兩 人參 半兩 木香 三錢

右為末米糊丸桐子大每服三十九食後薑湯下

○左金丸 各四金丸 治肝火胸腹脹痛或發寒熱或頭目作痛或大便

不實或小便淋秘或小腹疼痛及一切肝火之症

黃連 炒六兩 吳茱萸 一兩湯煮片時用 右為末粥丸白木陳皮湯下

○當歸龍薈丸 治肝經實火胸脇脹痛或大便秘結小便澀滯凡屬肝經實火皆宜用之

當歸 龍膽草 炒 梔子仁 炒 黃連 炒 黃芩 炒各一兩 大黃 炒

蘆薈 各五錢 青黛 各五分 木香 二錢另研五分 麝香 五分

右為末用神麩糊丸桐子大每服二十九薑湯下

○補肝散 治肝脾二經氣血虧損脇脹作痛或脇脹頭暈寒熱發

熱或遍身作痛經候不調

山茱萸肉 當歸 五味子 炒 山藥 黃芪 炒 川芎

木瓜 各半兩 熟地黃 自製 白木 炒各一錢 獨活 酸棗仁 炒各四錢

右為末每服伍錢棗水煎服

○小柴胡湯 方見二十四卷第二論

○四物湯 ○補中益氣湯 ○六君子湯 三方見二十六卷第六段論

○六味丸 方見二十四卷第十一論

○八珍湯 逍遙散 ○歸脾湯 ○加味逍遙散 四方見二十四卷第四論

○婦人心腹脹滿方論第十八

婦人心腹脹滿由心脾虛損邪氣乘之此足少陰腎經之脈起於足小指貫絡膀胱入肝肺出絡於心若邪搏三經併結於脾脾虛則心

腹脹滿矣

愚按前症脾胃虛痞用六君子湯脾胃虛寒者用人參理中湯鬱結氣滯者用歸脾湯肝侮脾土用六君柴芍脾氣壅滯用平胃散肺氣塞滯用紫蘇飲宿食壅滯用養胃湯脾血虛痞用四物參朮

右六症當互補參用仍與六卷第七論同用

附治驗

嘔吐心腹痛見七卷第一論

一婦人胸膈不利飲食少思腹脹吞酸或用疎利之藥反致中滿不實予以為肝土虛而肝木勝用補中益氣湯加砂仁香附煨薑又以六君子加芎歸桔梗而愈

吳江史玄年母久病之後遇事拂意忽胸腹脹滿面目微腫兩腿重滯氣逆上升言語喘促所服皆清氣之劑不効余曰此脾肺虛寒也先用六君子湯一劑病勢頓減後用補中益氣加茯苓半夏乾薑二劑形體頓安以七情失調夜間腹脹乃以十全大補加木香治之而安

附方

○白朮散 治脾胃氣滯心腹脹滿不欲飲食

白朮炒

草果

訶子

茯苓

檳榔

桂心

各五分

陳皮

厚朴姜製

人參

各一錢

甘草

炒三分

右姜棗水煎服

愚按前方治胸膈氣滯飲食肉停之良劑若脾血虛痞須用四物參朮脾氣虛痞須用四君芎歸

補遺治心腹脹滿予嘗獨用厚朴薑汁炒每服五錢薑七片水煎溫服不拘去候間服沉香降氣湯得效此脾氣元氣壅實之治法也

附方

○平胃散 治脾氣壅滯胸腹不利或飲食不進停滯嘔吐

蒼朮 厚朴姜製 陳皮各一錢五分 甘草炙五分 右薑棗水煎服

○人參養胃湯 治脾氣壅滯胸膈不利或飲食壅滯胸腹脹悶或

兼外感風頭痛嘔吐等症

○四物湯 ○六君子湯 ○補中益氣湯三方見二十四卷第六論

○人參理中湯方見二十卷第八論

○十全大補湯 ○歸脾湯二方見二十四卷第四論

○紫蘇飲方見十二卷第八論

○調中益氣湯方見四卷第九論

婦人良方大全卷之七 終

三刻太醫院補註婦人良方大全卷之八

臨川 良甫陳自明 編輯

古吳 立齋薛 巳 補註

書林 公仁余元長 重訂

○婦人小便淋瀝不通方論第一

婦人淋瀝由腎虛而膀胱熱也蓋膀胱與腎為表裏主於水行於脬者為小便也若腎虛則小便頻數膀胱熱則小便淋瀝甚則不通腹脹喘急當速治之

愚按前症若膀胱熱結用五淋散若脾肺虛熱用補中益氣湯加山藥五味麥門若脾經鬱熱用加味歸脾湯若肺經鬱火用黃芩清肺飲若肝經濕熱用龍膽瀉肝湯血虛用加味逍遙散陰虛用

六味丸加柴胡山梔大抵不渴而不利者熱在下焦血分也用滋腎丸渴而不利者熱在氣分也用清肺飲尺脉數而無力者陰火盛而陽不能化也用六味丸滋腎丸為主尺脉浮而無力者陽氣虛而陰不能生也用加減八味丸滋腎丸為主

附治驗

一婦人素有前患內熱體倦余以為肝火血少脾氣虛弱用八珍逍遙二散兼服月餘而小便利又用八珍湯而氣血復

一婦人患前症面青脇脹諸藥不應予以為肝經氣滯而血傷用山梔川芎煎服而愈

一婦人小便不利小腹并水道秘悶或時腹脇脹痛余以為肝火用加味道遙散加龍膽草四劑稍愈乃去膽草佐以八珍散加炒黑

山梔兼服而瘥

○石韋湯 治小便實熱氣滯淋瀝

石韋

黃芩

木通

榆白皮

葵子

藿麥

甘草

各五分

●右薑水煎服

○鷄蘇散 治血熱淋瀝

鷄蘇葉

木通

各二兩

生地黄

滑石

各三兩

刺薊根

一兩

右每服半兩淡竹葉三七片水煎

○桃仁煎 治血瘕小便如淋臍腹脹痛

治心經積熱小便澀及五淋

方見血瘕門第七卷第九論

○火府丹 治心經積熱小便澀及五淋

生地黄

加甘草名導赤散

生地黄

二兩

木通

為末

黃芩

炒各一兩

右加蜜丸桐子大每服三十九丸木通煎湯下

許學士云一卒病渴日飲水斗許不食者三月心中煩悶時已十
月余謂心經有伏熱與火府丹數服越二日來謝云當日三服渴
止又三服飲食如故此本治淋用以治渴可謂通變也
一方牛膝一合水煎入麝香少許服之鄞縣耿武尉夢得其內患淋
下砂石剝剝有聲甚為苦楚一服而愈

附方

○滋腎丸 治熱在血分不渴而小便不利或腎虛足熱腿膝無力
不能履地又下焦陰虛小便不利肚腹腫脹或皮膚脹裂眼睛突
出此神劑也

知母酒炒 黃柏酒炒各二兩 肉桂二錢

右各另為末水丸桐子大每服二百丸空心百滾湯下

○黃芩清肺飲 治肺熱小便不利宜用此藥清之

黃芩炒 山梔炒各一錢

右水煎服不利加鹽豉二十粒

○五淋散 治膀胱有熱水道不通淋瀝不出或尿如豆汁或成砂
石或如膏汁或熱拂使血

赤茯苓一錢五分 赤芍藥 山梔各一錢 當歸 甘草各一錢二分

右入燈心水煎服

○補中益氣湯 方見二十四卷第六論

○八珍湯 ○加味歸脾湯 ○加味道遙散三方見二十四卷第四論

○龍膽瀉肝湯 方見二十四卷第八論

○加減八味丸 ○六味丸 二方見二十四卷第十一論

○婦人脬轉小便不利方論第二

婦人脬轉或內熱傳搏於胞或忍小便氣逆於內以致小腹急痛不得小便甚者至死

愚按前症不問男女孕婦轉筋小便不利命在反掌非八味丸不能救餘參前後論主治

附治驗 餘見第十五卷

婦人小便淋澁小腹脹悶胸滿喘急諸藥不應余視為轉筋之症用八味丸一服小便如湧而出

一婦人因鬱怒小便滴瀝漸至小腹腫脹痰咳喘促余用八味丸料煎服小便即利而痊

婦人素善怒小便淋瀝不利月經不調半載矣或兩脇脹悶或小

腹作痛或寒熱往來或胸乳作痛或咽喉噎塞或兩腳筋攣或肢

節結核面色青黃不澤形氣日瘦左關弦洪右關弦數此鬱怒傷

肝脾血虛氣滯為患朝用加味歸脾湯以補脾氣解脾鬱祛肝火

夕用滋腎丸生肝散滋腎水以生肝血抑肝火舒筋膜兼服月餘而愈

○滋腎生肝飲

山藥

山茱萸

肉各一錢

熟地黄

自製二錢

澤瀉

七分

茯苓

七分

白朮

當歸

牡丹皮

七分

五味子

杵炒五分

柴胡

三分

甘草

三分

右水煎服

○葱白湯 治氣滯小便不通腹脹欲死

楮皮

二兩

葵子

一兩

葱白

一莖

右水煎分三服

福

○八味丸 治脬轉小便不通殊有神効但世所不用以致誤人多矣 方見二十四卷第十一論

○滑石散 治脬轉小便數日不通

滑石 兩一 寒水石 兩二 葵子 合一

右爲末以冰一斗煮至五升時服一升卽利

又方

亂髮 燒灰 葵子 車前子 各等分 右爲末每服一錢酒調下

○石韋湯 治脬轉小便不通 方見前

○治強忍小便致脬轉尿不利困篤欲死

滑石 兩二 亂髮 灰兩

右爲末每服三錢桃白皮一觔細切熟杵入水三盞絞取汁調服

千金翼用杏仁 二十粒 麩炒黃嚼細水送下立通

一方皂角爲末吹鼻內取嚏

○婦人小便數方論第三

小便乃腎與膀胱主之蓋腎氣通於陰若二經虛而熱乘之則小便澁滯虛則頻數也

愚按前症若肝經火動用逍遙散加龍膽草車前子膀胱火動六味丸加麥門五味肝腎濕熱龍膽瀉肝湯鬱傷肝脾加味逍遙散加味歸脾湯肝脾肺氣虛補中益氣加麥門五味肝經血虛加味逍遙散腎氣虛敗鹿茸散如不應用八味丸

附治驗

一婦人患前症小便頻數日晡熱甚此肝脾血虛氣滯而兼濕熱也

用加味逍遙散加車前子而愈

一婦人患前症發熱煩躁面目赤色脈洪大而虛余謂此血虛發躁用當歸補血湯數劑而痊

一婦人久患前症泥屬於火雜用寒涼止血之劑虛症悉具余曰此脾胃虧損而諸經病也當補中氣為主遂以六君補中二湯兼服兩月餘尋愈

○桑螵蛸散 治腎氣虛寒小便數少或時頻數或夜間尤數

桑螵蛸 三十枚 炒 鹿茸 炙 牡蠣 煨 甘草 炒 二兩 黃芪 炒

右為末每服二三錢食前空心用薑湯調下日二服

○縮泉丸 治脾氣虛寒小便頻數或遺尿不止小兒尤切

烏藥 益智仁 炒

右為末酒煎山藥末為糊丸桐子大每服七十九粒鹽酒或米飲下

○鹿茸散 治腎氣虛寒便溺數甚或夜間頻數遺溺

鹿茸 炙 烏賊魚骨 桑寄生 當歸 龍骨 煨 各二兩

白芍藥 炒 附子 炮 各三錢 桑螵蛸 炙 五錢

右為末每服二錢空心并食前用溫酒調下作丸服亦可凡用附子重一兩三四錢底平頂圓周圍有瓣者方是

附方

○當歸補血湯 ○八味丸 ○六味丸

○加減八味丸 四方見二十四卷第十一論

○逍遙散 ○加味逍遙散

○加味歸脾湯 三方見二十四卷第四論

○六君子湯 ○補中益氣湯 二方見二十四卷第六論

○婦人遺尿失禁方論第四

經云膀胱不利為癃不約為遺溺乃心腎之氣失其常度也故有便道澁而遺者有失禁而不知自遺者亦有生產傷膀胱不時而遺者有脾寒臟冷遺而不知者

愚按內經曰胞移熱於膀胱則癃溺血膀胱不利為癃不約為遺溺注曰膀胱為津液之府水注由之然足三焦脈實約下焦而不通則不得小便足三焦脈虛不約下焦則遺溺也靈樞經曰足三焦者太陽之別也並太陽之正入絡膀胱約下焦實則閉癃虛則遺溺竊謂前症若肝腎虛熱挺孔痿痺用六味丸如不應用加減八味丸陽氣虛憊膀胱積冷用鹿茸丸如不應用八味丸若脾氣

虛弱不能禁止用補中益氣湯加山藥山茱五味若肺氣虛寒前湯加桂附此症熱虛熱者多真寒者少治宜審察

附治驗

一婦人小便自遺或時不利日晡益甚此肝熱陰挺不能約制用六味丸料加白朮酒炒黑黃柏七分知母五分數劑諸症悉愈若誤用分利之劑愈損真陰必致不起

一老婦患前症惡寒體倦四肢逆冷余以為陽氣虛寒用補中益氣加附子三劑不應遂以參附湯四劑稍應仍以前藥而安附子計用四枚人參三斤許

一婦人病愈後小便出尿此陰陽失於傳送各大小腸交也先用五苓散二劑而愈又用補中益氣湯而安

詩補婦人良方 八卷
○鹿茸丸 治陽氣虛寒小便白濁澇數不禁或臍腹陰冷大便不實

鹿茸炙 椒紅 桂心 附子炮 牡蠣煨 補骨脂炒

石斛 肉蓯蓉酒浸 雞胫炙 沉香各一兩 桑螵蛸各三錢

右爲末酒糊丸桐子大每服三十九空心溫酒下
○秘元丹 治陽氣虛小便不禁或夜多小便頻數

白龍骨煨三兩 訶子十箇去核縮砂一兩

右爲末糯粥丸桐子大每服五十九空心鹽酒下

又方鹿角鎊炒爲末每服三五錢空心熱酒調下

又方雞胫炙爲末每服二三錢空心酒調下日二三服

又方桑螵蛸酒炒爲末每服二錢空心薑湯調下

附方

○六君子湯

○補中益氣湯 二方見二十四卷第六論

○六味丸 ○加減八味丸

○八味丸 三方見二十四卷第十一論

○參味湯 方見十九卷第六論

○五苓散 方見二十一卷第九論

○婦人小便出血方論第五

心主於血通行經絡循環臟腑若得寒則凝澁得熱則妄行失其常道則溢滲於脬則小便出血也

愚按前症肝經血熱者加味道遙散怒氣血傷者加味道遙散調

送髮灰若肝經風熱用前散送子苓丸氣血俱虛者八珍散送髮灰膏梁積熱者清胃散加槐花甘草風熱傷胃者四君子加防風枳殼胃氣不能攝血者補中益氣湯鬱結傷脾不能攝血者濟生歸脾湯

附治驗

一婦人尿血因怒寒熱或頭疼或脇脹此肝血虛而肝火盛用加味逍遙散而血脹止補中益氣加蔓荊子而頭痛痊後鬱怒腹痛尿血仍用前散加龍膽草并歸脾湯治之將愈又因飲食所傷復作心忡不寧徹夜不寐仍用前湯而痊

一婦人尿血面黃體倦飲食不甘嘔熱作渴此脾胃氣虛不能攝血歸經用補中益氣以補胃氣用歸脾湯以解鬱結更用加味逍遙以調養肝血而痊

一婦人小便出血服四物蒲黃之類更加發熱吐痰加芩連之類又飲食少思虛症蜂起肝脉弦而數脾脉弦而緩此因肝經風熱為沉陰之劑脾傷不能統攝其血發生諸臟而然也余用補中益氣湯六味地黃丸而痊

○鹿茸散 治勞損尿血發熱內熱或寒熱往來口乾作渴

鹿茸

當歸

熟地黃

葵子

蒲黃

續斷

右為末每服二錢酒調日三服

○髮灰散 治起居所傷水便尿血或忍尿脬轉臍下急痛小便不通

又治肺疽心衄內崩吐血舌上出血用亂髮燒灰

州水道破瘻瘰癧腫狐疝疝疔痛疔雜瘡瘻野轉通大小便止咳嗽鼻衄

本草云能療瘀血通閉

右每服二錢以米醋湯調服

○生地黄散 治血熱小便出血

生地黄

二錢

黃芩

炒五錢

阿膠

炒

栝葉

炒各一錢

右水煎服

○當歸散 治血分有熱小便出血或時尿血

當歸

羚羊角

錢

赤芍藥

各半錢

生地黄

刺薊葉

各一錢

右水煎服

又方治血分有熱用生地黄將取汁每用一小盞日三服

又方治血分有熱小便尿血用炒蒲黃末每服二錢溫酒調下

滾湯亦下

又方腎虛鹿角膠二兩炙黃為末作二服長流水調

附方

○八珍散

○加味逍遙散

○歸脾湯

三方見二十四卷第四論

○子芩丸

方見十二卷第六論

○清胃散

方見二十四卷第一論

○四君子湯

○補中益氣湯

二方見二十四卷第六論

○婦人大便不通方論第六

夫大便不通者由臟腑不調寒熱之氣結於腸胃或經水過多內亡津液宜用三脫散或四物加青皮或七宣丸麻仁丸選而用之

愚按前症或大腸津血乾涸或血虛火燥不可計其日期飲食數多必待腹滿脹自欲去而不能者乃用猪膽汁潤之若妄服苦寒辛散之劑元氣愈傷或通而不止或成中痞之症大抵血虛火燥用加味逍遙散氣血俱虛用八珍湯燥藥傷血用四物連翹甘草

尅伐傷氣用四君川芎當歸內熱作渴飲湯脈實用竹葉黃底易
內熱作渴飲冷脈瀉用四物送潤腸丸肝膽尅脾土而不能輸送
用小柴胡加山梔郁李仁腸胃氣虛而不能傳送用補中益氣加
芍藥厚味積熱而秘結用清胃散加芍藥其有熱燥風燥陽結陰
結皆不宜損中氣治者審之

附治驗

一婦人痰喘內熱大便不通兩月不寐脈洪大重按微細此屬肝
腎虧損朝用六味丸夕用逍遙散各三十餘劑計所進飲食百餘
碗腹始痞悶正前所謂血虛火鏢也以猪膽汁導而通之用十全
大補湯調理云云

○通神散 治六便實熱不通其證心腹脹痛手不得近心腹煩悶

而欲飲食者

大黃炒

芒硝

檳榔

桃仁料

郁李仁

湯浸去皮微炒各一兩

右爲末每服二錢粥飲調

○大麻仁丸 治腸胃風結大便常秘而欲飲食者

大麻仁

別研如膏

大黃

炒各二兩

檳榔

木香

枳殼

麩炒各一兩

右爲末入麻仁煉蜜丸桐子大每服二十九溫水下

○皂角丸 治大腸經有風大便秘結而不堅實者

皂角

炙去子

枳殼

麩炒

右爲末煉蜜丸桐子大每服七十九空心米飲下

蘇麻粥順氣滑腸用紫蘇子麻子仁水研取汁煮粥食之

○潤腸丸 治伏火風熱大腸乾燥若因失血或因腎虛當滋腎水

最忌此丸

麻子仁

桃仁

去皮尖另研各一兩

羌活

當歸尾

大黃

煨

皂角仁

秦艽

各五錢

右另研為末煉蜜丸每服五十九空心白湯送下如直腸乾澀用猪膽汁導之亦忌前藥

附方

○加味逍遙散

○八珍湯

二方見二十四卷第四論

○補中益氣湯

○四物湯

○四君子湯

三方見二十四卷第六論

○竹葉石膏湯

方見二十四卷第二論

○小柴胡湯

方見二十四卷第二論

○清胃散

方見二十四卷第一論

○瘡科竹葉黃芪湯

方見二十四卷第四論

○婦人老弱風人便秘戒用利藥方論第七

初虞世云肺主氣肺氣不降則大腸不能傳送宜用杏仁枳殼訶子等藥若老弱風人津液短少大便秘澀用胡麻杏仁麻仁阿膠皂角之類每見用駛利之藥大便秘澀通精血復傷反致他病一男子病風淫未疾或用駛藥利之患肺痿咯膿血至大便不通而死惜哉

愚按前症若胃強脾弱津液不得四布但輸膀胱小便數而大便難者用脾約丸若陰血枯槁內火燔灼脾肺失傳大便秘而小便數者用潤腸丸此丸若用之於熱甚氣實與西北稟厚者無有不効若用於東南及虛熱而氣血不足者則脾愈弱而腸愈燥反致虛痞矣此東垣先生之治法也其搜風順氣丸中貴及西北人用

之多効東南人用之無不致害

附治驗

一老婦大便欲去而難去又不堅實腹內或如故或作脹兩關尺脉浮大余以為腸胃氣血虛弱每服十全大補湯加肉蓯蓉去後始快若問二三日不服腹內仍脹大便仍難

○搜風順氣丸 治痔漏腸風風熱閉結元氣充實者

車前子 一兩 大麻子 五錢 大黃 五錢半 牛膝 酒浸 郁李仁 湯
兔絲子 酒浸蒸杵 枳殼 炒 山藥 各二錢

右為末煉蜜丸桐子大每服三十九空心白湯送下

○子和脾約丸

麻仁 一兩二錢半 枳殼 炒 厚朴 倍 芍藥 各一兩 大黃 四兩

杏仁 去皮尖炒

右為末入杏仁膏煉蜜丸桐子大每服二三十九空心用滾湯送

下內杏仁研爛

婦人泄痢秘結方論第八

經云春傷於風夏必泄蓋木刑土也土不能滲泄則木氣勝故津液燥而秘不可專以風治張氏母年七十患痢頻數腰脚拘攣百方不愈用葶藶酸棗仁治之即愈黃魯直苦秘結亦用前藥而愈故受症有不同也

愚按前症若因足三陰虧損發熱作渴胸膈不利飲食善消面帶陽色脉洪而虛肢體倦怠者用補中益氣湯六味地黃丸脾肺氣虛補中益氣湯脾經鬱結用加味歸脾湯氣血俱虛者入珍加肉

從蓉腎經津液不足者六味地黄丸胃火消鑠津液竹葉黃芪湯
肝木侮脾土小柴胡加山梔郁李仁枳殼膏粱積熱清胃散加山
梔郁李仁枳殼若燥在直腸用猪膽導之

附治驗

一老婦大便月餘不通痰喘內熱不得就枕脈洪大重按細微朝用
六味丸夕用逍遙散各五十餘劑計進飲食自餘碗小腹始悶此
火燥而消鑠也以猪膽汁潤之用十全大補而安後仍不通用八
珍倍加從容常服而通

治風人大便秘

皂莢子

三百粒候作兩片燉火炒燥入酥
東大又炒燥又入酥至焦黑為度

右為末蜜丸桐子大每服三十九丸煎蒺藜酸棗仁湯空心下良久

未利再服漸加至百丸以通為度

蒺藜湯川蒺藜炒炸去刺三兩酸棗仁炒香一兩每用五錢水一盞
煎七分去滓送下前丸

○大五柔丸 治臟氣不調大便難利或為秘結堅硬

大黃

飯上蒸
焙末

枳殼

去穢
炒

白芍藥

末

葶藶

炒為
末

牛脂

熬
油

茯苓

酒浸焙
各一兩

桃仁

百枚去
皮尖研

杏仁

四十枚去皮尖
麩炒黃別碎

右和勻煉蜜丸桐子大每服三十九丸日三服以和為度

○二仁丸 安康郡太守苦風秘予處此方用之甚効

杏仁

去皮尖
麩炒黃

麻仁

別
研

枳殼

去穢
炒為末

訶子

炒去核
為末

右用煉蜜丸桐子大每服二三十丸溫水下未利增之

蜜導法用好蜜四五兩石器中微火熬不住手攪候可丸以蛤粉塗

手捏如指長三寸許入大孔內以手掩良久即通未通再作文潞
公泄利求速効用石脂龍骨等藥便秘累日甚苦余告曰此燥糞
在直腸藥所不及請以蜜導之下結糞四五十枚而愈

○通氣散 治虛人憂怒以致傷肺與大腸不能傳送

陳皮

蘇葉

枳殼

炒

木通

各一錢

●用水煎服

○皂角丸蘇麻粥亦佳 見前

附方

○補中益氣丸 方見二十四卷第六論

○六味丸 方見二十四卷第十一論

○加味歸脾湯 ○八珍湯 ○逍遙散 ○加味逍遙散

○十全大補湯 五方見二十四卷第四論

○竹葉黃芪湯 方見二十四卷第二論

○小柴胡湯 方見二十四卷第二論

○清胃散 方見二十四卷首論

○婦人泄瀉方論第九

論曰泄瀉之症因腸胃虛冷而邪氣乘之經云春傷於風夏必發泄
益氣傷肝木旺而尅脾土屬外因也若七情不平臟氣受傷屬內
因也若飲食生冷傷脾屬不內外因也大法寒者溫之熱者涼之滑
者澀之濕者燥之

愚按前症若生冷所傷用六君木香砂仁辛熱所傷用二陳炒連
山梔麩食所傷用六君神麩米食所傷用六君穀蘖飲食不時而
傷用四君子湯飲食過多而傷用六君子湯飲食停滯人參養胃

湯脾氣虛弱者六君升麻柴胡脾氣虛寒六君木香炮薑肝木乘
脾者六君柴胡芍藥肝火尅脾者六君芍藥山梔中氣虛而下陷
者補中益氣湯鬱結傷脾者濟生歸脾湯腎氣虛者五味子散脾
氣虛者二神丸脾腎虛者四神丸命門火衰者八味丸真陽虛敗
者固真丸仍與滯下方參用

附治驗

侍御沈東江之內停食腹痛作瀉以六君加木香炮薑而愈後復
作傳爲腎泄用四神丸而安

侍御徐南湖子室瀉屬腎經不信余言專主滲泄以致不起一婦
人年五十不食夜飯五更作瀉二十年矣後患痢午前用香連丸
午後用二神丸各二服而痢止又以二神丸數服而食夜飯不月
而形體如故

吳江史玄年母素有血疾殆將二紀年居泄瀉飲食少思面黃中
滿夏月尤甚治血之藥無慮數百劑未嘗少減余以爲脾腎虛損
用補中益氣湯送二神丸復用十全大補湯煎送前丸食進便實
病勢頓退若泥中滿忌參朮痰痞忌熟地便泄忌當歸皆致誤事
○桂香丸 治虛寒滑泄腹痛或嘔吐不食手足逆冷

附子 炮

肉苳蔻 炮

丁香

桂心

白茯苓

各一兩

木香 炮

白乾薑

炮各兩半

石爲末米糊丸桐子大每服五十九空心米飲下

○胃苓散 治脾胃所傷吐瀉不止水穀不分卽五苓散合平胃散
右每服五七錢用薑棗水煎空心服仍節飲食

○木香散 治臟腑虛寒下泄米穀口舌生瘡或嘔吐不食

木香煨 破故紙炒各一兩 良薑 縮砂炒 厚朴製各三錢

赤芍藥炒 桔紅 桂心 白朮各半兩 胡椒

吳茱萸泡各一錢 肉豆蔻煨 檳榔一箇

右為末每服三錢用猪肝四兩批薄以藥摻拌量入水醋盪葱薑煮乾空心頓食或丸桐子大每服百丸粥飲下日三服

府博趙宐人患泄瀉諸藥無效診之曰此肝腎虛也服前散而愈經曰洩痢前後不止腎虛也又曰諸厥固泄皆屬於下下謂下焦肝腎之氣也門戶束要肝之氣也肝氣厥而上行故下焦不能禁固而泄痢腎為胃閔門戶不要故倉廩不藏也

○香連丸 治痢疾并水瀉暑瀉腹痛不問赤白神效

黃連淨二兩 吳茱萸去枝梗一兩

右先將二味用熱水拌和入磁器內置熱湯頓一日同炒至黃連紫黃色去茱用連為末每末四兩入木香末一兩淡醋米飲為丸桐子大每服二三十丸滾湯下久痢中氣下陷者用補中益氣下中氣虛者用四君子下中氣虛寒者加薑桂

○三黃丸 治熱痢腹痛或口舌生瘡咽喉齒痛及一切實火之症

黃芩 黃連 黃柏各炒

右各另為末米糊丸桐子大每服七八十九白湯下

○芍藥湯 治熱痢便血後重經曰洩而便膿血此氣行而血止也行血則便膿自愈調氣則後重自除

芍藥炒 當歸 黃連炒各半兩 檳榔 木香 甘草各一錢

丁酉年八月...

桂二錢五分 黃芩炒五錢

右每服半兩水煎如不減口大黃此症多有因中氣虛弱脾氣鬱結者治當審察

○二神丸加五味二兩吳茱萸 治脾腎虛弱侵晨五更作瀉或全不思食或食而不化大便不實神効

破故紙四兩 肉豆蔻二兩

右為末用大紅棗四十九枚生薑四兩切碎同棗用水煮熟去薑取棗肉和藥丸桐子大每服五十九丸空心鹽湯下

五味子炒二兩 吳茱萸半兩

右為末每服二錢空心米飲調下其効如神米糊為丸亦可

○白朮芍藥湯 治脾經受濕水泄注下體重腹滿形體倦怠不欲飲食或暴泄無數水穀不化

白朮炒 芍藥炒各二錢 甘草炒一錢 ●用水煎服

○茯苓湯 治濕熱泄瀉或飲食傷瀉

白朮炒 茯苓各五錢 右用水煎食前服一方有芍藥等分名白朮散

○滲濕湯 治寒濕所傷身重腰冷如坐水中或小便秘澀大便澀澀此症多因坐卧濕地或陰雨所襲而致

蒼朮炒 白朮炒 甘草炒各一兩 乾薑炮 茯苓各二兩 陳皮一兩 丁香各二錢半 ●右每服四五錢棗水煎

○防風芍藥湯 治發泄身熱脉弦腹痛及頭痛

防風

芍藥炒

黃芩

炒各二錢

●用水煎服

○六君子湯

○四君子湯

○補中益氣湯

三方見二十四卷第六論

○人參養胃湯

方見七卷第八論

○十全大補湯

○濟生歸脾湯

二方見二十四卷第四論

○八味丸

方見二十四卷第十一論

○東垣補真丸

方見七卷第三論

○婦人協熱下痢方論第十

論曰下痢赤黃米穀不化作渴嘔逆小便不利心胸煩躁脉虛大而
數此胃經虛熱津液不分併於大腸所致先用五苓散次用玉粉丹
四味阿膠丸主之

愚按前症若胃氣虛弱用補中益氣湯肝木侮脾土用六君子湯

鬱結傷脾土用歸脾湯命門火衰用八味地黃丸餘參各論主之

附治驗

一婦人五月間患痢日夜無度小腹墜痛發熱惡寒余以為脾氣虛
弱用六君子湯送香連丸二服漸愈仍以前湯送四神丸四服全
愈至七月終怠惰嗜臥四肢不收體重節痛口舌乾燥飲食無味
大便不實小便頻數灑淅惡寒悽慘不樂此肺之脾腎虛而陽氣
不伸也用升陽益胃湯而痊

○玉粉丹

蛤粉

硫黃等分

右為末米糊丸桐子大每服五十九丸用米飲下

○四味阿膠丸

黃連炒 赤茯苓二兩 芍藥炒 阿膠炒

右為末以醋丸桐子大每服三十九食前米飲下

附方

○補中益氣湯 二方見二十四卷第六論

○歸脾湯 方見二十四卷第四論

○八味丸 方見二十四卷第十一論

○婦人滯下方論第十一

經云春傷於風夏生飧泄蓋風喜傷肝然春時肝木反剋脾土以致滯下赤白裏急後重先服神朮散次用五苓散之類煩渴腹痛小便赤澀脈洪數為熱用白頭翁湯之類脈虛弱為伏暑用香薷散之類如風邪下血用胃風湯腸痛嘔逆手足俱冷六脈微細為臟腑虛寒

急服四順附子湯炙氣海丹田二穴久痢腸滑用理中湯加肉果訶

子或十全大補湯加木香肉果之屬若一方一門所患相類者乃屬疫症

愚按東垣云太陰經受濕水瀉變膿血脾傳於腎者謂之賊邪難

愈先痢而後瀉者謂之微邪易痊若厥陰經下痢脈沉微手足厥

逆用麻黃小續命湯汗之若身冷自汗小便自利脈微嘔吐用漿

水散溫之若脈疾身動下迫聲響用白朮芍藥湯脈沉身靜飲食

不入用薑附湯身體沉重四肢不舉用木附湯竊謂前症若飲食

停滯用六君子湯以補脾胃消飲食若胃氣下流用補中益氣湯

以補脾腎升元氣若風傷腸胃宜用神朮散以補脾胃解外邪若

痰積中焦宜用六神丸以補脾胃化痰滯大凡脾胃虛弱宜補中

氣調飲食

一老婦食後因怒患痢裡急後重肛門脫下此脾氣下陷用大劑六君加附子肉蔻煨木香各一錢吳茱五分骨脂五味各一錢五分二劑諸症悉退惟小腹脹悶此肝氣滯於脾也與調中益氣加附子木香五分四劑而愈後口內覺鹹此腎虛水泛與六味地黃丸二劑頓愈又以飲食失宜大便不實四肢逆冷此脾胃復傷與六君加附子五分及八味丸而愈

先太宐人仲夏患痢腹痛去後無度煩渴飲湯手按腹痛稍上脉鼓指而有力此真氣虛而邪氣實也急用人參五錢白朮茯苓各三錢陳皮炙草附子升麻各一錢服之即睡覺而索食脉症頓退再劑而安此取症不取脉也其時同患是症服痢藥者俱致不起

○神木散

治春傷於風夏生發泄或傷風頭痛項背拘急鼻流涕

蒼朮

炒二錢

藁本

川芎

各一錢

羌活

粉草

炒一錢五分

細辛

五分

右用薑水煎服欲發汗加葱頭

○四順附子湯

生附子

去皮

白乾薑

炮

甘草

炒

人參

各一兩

右每服四五錢水煎吐瀉腹痛加肉桂半兩小便不利加茯苓半兩若體寒自汗手足逆冷六脉虛弱背寒面垢或面如塗油齒乾煩悶躁渴引飲此為伏暑宜用小柴胡湯五苓散酒蒸黃連丸

○加減參附湯

治寒痢陽氣脫陷嘔吐不食手足俱冷

大附子

炮

大人參

各二錢

丁香

十五粒

右用薑十片米一撮水一鍾煎服如不應再加之

治禁口痢甚妙石蓮肉爲末每服二錢陳米飲調下
又方乾山藥半生半炒黃爲末不拘時用米飲調下

附方

○胃風湯 治風冷乘虛客於腸胃以致水穀不化泄瀉注下或腸
胃濕毒下如豆汁或下瘀血

人參

白茯苓

芎藭

肉桂

當歸

白芍藥

炒

白朮

各等分

右每服三二錢入粟米數粒水煎空心食前熱服

○水煮木香丸

治久痢裏急後重日夜無度其効如神

罌粟殼

去穰

青皮

去白

甘草

各二兩

訶子

炮去核

各兩

當歸

木香

各六兩

右爲末煉蜜丸彈子大每服一九水煎化空心服

○戊巳丸

治胃經受熱泄痢不止或飲食下人腹痛不止

黃連

炒

吳茱萸

去梗

白芍藥

各五兩

右爲末麪糊丸桐子大每服三十九米飲食前下

○真人養臟湯

治下痢赤白裏急後重腹痛脫肛

粟殼

蜜炙三兩

人參

六錢

白朮

六錢

肉桂

一錢

當歸

六錢

訶子皮

二兩

木香

煨二兩

肉豆蔻

煨半兩

白芍藥

炒一兩

甘草

炒一兩

右每服四錢用水煎臍寒加附子一兩

升湯除濕防風湯如大便閉塞或裏急後重數至圍而不能便或有
白膿或兼下血此鬱結而不通也以此湯舉其陽則陰氣自降矣

慎勿利之

蒼朮

米泔浸四錢

防風

二錢

白朮

炒

白茯苓

白芍藥

炒各一錢

先將蒼朮用水一鍾半煎至一鐘內諸藥同煎至八分食前熱服夫飲食入胃其氣上升輸精心肺然後下降若脾胃有傷不能上升下流腎肝而成泄利法宜升補中氣不可疎下此東垣發前人所未論也

調中益氣湯夫脉弦洪緩而沉按之中下不得一澁其証四肢滿閉肢節煩疼難以屈伸身體沉重煩心不安忍肥忍瘦四肢懶倦口失滋味大小便清利而數或上欬下便或大便澁滯夏月發泄或便後見血或下白膿胸膈短氣咽膈不通嗜睡無力飲食少思

四卷第五論

○麻黃續命湯

防風

杏仁

去皮尖各二兩

麻黃

去節二兩

人參

黃芩

炒

甘草

炙

芍藥

炒

防己

肉桂

各一兩

附子

炮去皮臍五錢

右每服半兩用薑水煎

○白朮芍藥湯

治太陰脾經受濕水泄注下體重微滿困弱無力不欲飲食或暴泄無數水穀不化宜此湯和之

白朮

芍藥

炒各一兩

甘草

炒五錢

●每服一兩水煎

○漿水散

治暴利如水周身汗出一身盡冷脉微而弱氣短難言甚者吐血此為惡病急用此藥緩則不救

半夏

一兩炮洗

附子

半兩炮

乾薑

一作乾生薑

肉桂

甘草

炙各五錢

良薑

二錢五分

右為末每服三五錢漿水煎和滓熱服不應加之

○薑附湯 治霍亂轉筋手足厥冷或吐逆身冷脉微急用此藥之救

乾薑一兩 附子一箇 生用 ●每服半兩水煎

○木附湯 治下痢脾氣脫陷肢體不動汗出身冷氣短喘急或嘔吐不食等症須急用之

白朮 生附子須用 好者

右為末每服五錢薑棗水煎和粗服如不應倍用之

○六神丸 治食積赤白痢疾或腹痛不食或久而不止

神麴為 糊 麥芽炒 茯苓 枳殼炒 木香煨 黃連炒赤各 等分

右為末用神麴糊丸桐子大每服五十九丸白湯送下

香連丸 方見前

○六君子湯 ○補中益氣湯 二方見二十四卷第六論

○五苓散 方見二十一卷第十論

○六味丸 ○八味丸 二方見二十四卷第十一論

○婦人痢後嘔噦方論第十二

滯下咳逆嘔逆古人謂之噦此胃氣虛寒之危症也用桔皮乾薑湯

辛夏生薑湯丁香柿蒂湯熱證欬逆用小柴胡湯橘皮竹茹湯嘗治

一痢咳逆脉沉弱投退陰散兩服而愈又一痢後咳逆灸期門穴三

壯而愈 其穴在 第六

愚按東垣云如泄痢而嘔者胃氣不和也上焦不和用生薑橘皮

湯中焦不和用芎歸桂苓下焦不和而寒治以輕劑熱甚而治以

重劑亦有胃火上衝而嘔者有積滯而嘔者有陰虛而嘔者丹溪

云下痢吃逆自下衝上屬火之象古方悉以胃弱言之殊不知胃弱者脾陰弱也故久病變之乃胃弱脾寒之危症用半夏一兩生薑半兩或理中湯加枳殼茯苓半夏不効更加丁香柿蒂各十枚胃熱咳逆用橘皮竹茹湯別病忽然而致半夏茯苓湯加枳實半夏木香調氣散最佳

附治驗

婦人痢後嘔噦服降火化痰等劑愈甚脉洪大按之虛細作渴飲湯諸藥到口即嘔余以為脾胃虛寒不能司納以參朮炮薑末各一錢以飯作丸米飲不時過三五粒至二三兩許聞藥不嘔乃以六君加炮薑三十餘劑而安

一婦人患前症飲食少思胸腹膨脹大便不實所見之症悉屬虛寒假熱遂朝用補中益氣湯加炮薑木香夕用六君子送四神丸漸愈又用八味丸料煎送四神丸而痊

一婦人因怒嘔噦時或昏憤口噤或時舉體肉動其面色或青或赤余以為肝火熾盛脾土受侮用小柴胡湯加山梔釣藤治之漸愈又用加味歸脾逍遙二藥調理而痊

橘皮乾薑湯 治胃寒嘔噦不食或吐痰腹痛兼瀉

枯皮 通草 乾薑 桂心 甘草炒 人參各一錢

右水煎服

橘皮竹茹湯 治噦逆

橘皮二錢 竹茹 甘草炒 人參 半夏各一錢

右薑棗水煎

○猪苓湯 治咳而嘔渴心煩不得眠

猪苓 赤茯苓 澤瀉 阿膠炒 滑石各一錢

右水煎服

○半夏湯 治噦欲死

半夏兩一 生薑兩切二 ●用水煎為二服

○丁香柿蒂湯 治欬逆

丁香粒一 柿蒂十五 ●用水煎熱服

○生薑橘皮湯 治嘔噦手足厥冷

橘皮錢一 生薑錢四 ●用水煎服

○退陰散 治陰毒傷寒手足逆冷或咳逆不止脉沉細頭痛腰重

急進三服若傷冷每服一字入正元散內同煎入塩一捻

乾薑炮 川烏炒黃等分 ●每服一錢塩一捻水煎

○倉廩湯 治痢疾心煩手足温頭痛此熱毒上衝宜用此湯即敗毒散每服四五錢入陳倉米百粒薑五片棗一枚煎若脉微弱或胸腹虛脹手足厥冷或因服罌粟烏梅過多以致作嘔者宜用山藥半生半炒為末米飲調下日二三服

附方

○木香調氣散 治氣滯嘔吐或胸膈不利心腹刺痛飲食不思

木香 白豆蔻 丁香 檀香各二兩 藿香

甘草炒各六兩 砂仁四兩 ●右為末每服一錢白湯調服

○半夏茯苓湯 方見十二卷第三論

○補中益氣湯 竹葉石滑湯 六君子湯三方見二十四卷第六論

丁香清八卷 八卷 三卷

言補婦人良方 八卷 三十一論
○八味丸 方見二十四卷第十一論

○婦人大便下血方論第十三

婦人臟腑損傷風邪所入以致大便下血或如豆汁或腹中作痛若糞後下血其來遠糞前下血其來近遠近者言病在上下也若面無血色時寒時熱脈浮弱按之如絲者是前症也

愚按前症或飲食起居或六淫七情失宜以致元氣虧損陽絡外傷若膏梁積熱加味清胃散怒氣傷肝六君柴芍芎歸鬱結傷脾加味歸脾湯脾氣虛弱六君子湯思慮傷心妙香散大腸風熱四物側柏荆防枳殼大腸血熱四物丹皮柴胡中氣下陷補中益氣茯苓半夏心脾不能攝血必補脾肺之源舉下陷之氣

附治驗

一婦人下血不已面色痿黃四肢畏冷此中氣下陷用補中益氣湯送四神丸數服而愈

光祿張淑人下血煩燥作渴大便重墜後去稍緩用三黃湯加大黃至四兩方應後用三黃湯又二十餘劑而愈此等元氣百中一二韓地宮之內脾胃素弱因飲食停滯服剋伐之劑自汗身冷氣短喘急腹痛便血或用諸補劑皆不應余用人參炮附子各五錢二劑稍應却用六君子每劑加炮附子三錢四劑漸安又用前湯每加附子一錢數劑乃瘥

一婦人因怒胸痞飲食少思服消導利氣之藥痰喘胸痞大便下血余用補中益氣加茯苓半夏炮薑四劑諸症頓愈又用八珍加柴胡炒梔全愈

一婦人瘀血腹痛便血見前

○加減四物湯 治腸風下血

側柏葉炒

荆芥

槐花炒

甘草

炒各五分 枳殼

數炒

生地黄

當歸

川芎

●右薑水煎

○腸風黑神散 治腸風下血腸瘕後重或肛門脫出

敗棕燒

木饅頭燒

烏梅去核

粉草炙各一錢

●水煎服

愚按前二症若病久中氣虛弱者必用培補脾胃為主

○地榆湯陰結便血略能吉方

地榆兩

甘草兩

縮砂仁四十

●每服三錢水煎

○防風如神散 治風熱氣滯糞後下血

防風

枳殼等分

●每服三錢水煎

愚按前二症若胃氣虛不能統血而下用四君中氣下陷用補中益氣湯脾氣鬱結用歸脾湯氣血虛弱用八珍湯氣血虛寒用十全大補湯

治久下血成片用頭髮燒灰每服一二錢水調下
妙香散治心氣下血溫酒調下

附方

○加味清胃散 方見二十四卷第六論

○四君子湯 ○六君子湯 ○四物湯

○補中益氣湯 四方見二十四卷第六論

○八珍湯 ○加味歸脾湯 二方見二十四卷第四論

○二神丸 ○四神丸 ○三黃丸 三方見前第八論

○婦人痔瘻方論第十四
婦人痔瘻因鬱怒風熱厚味膏粱所致其名有五肛邊如乳出膿者為牝痔腫脹出血者為牡痔痒痛者為脉痔腫核者為腸痔登斷出血者為血痔治宜審之

愚按前症婦人多因胎產經行飲食起居六淫七情失調所致男子多因醉飽入房筋脉橫解精氣脫泄熱毒乘虛而患或入房強固其精木乘火勢而侮金或炙燔厚味陰虛濕熱宜涼血潤燥疎風潰後當養元氣補陰精不愈即成痔漏有串臀串陰穿腸者其腸頭腫塊者濕熱也作痛者風也便燥者火也潰膿者熱勝血也大便秘作痛者潤燥除濕肛門墜痛者濕水導濕小便瀉滯者清肝導濕經云因而飽食筋脉橫解腸澀為痔症屬肝腎不足故用加味地黃及六味丸有效慎勿敷毒藥及服寒涼之劑

○鱉甲散 治五種痔漏膿血淋漓或腫痛堅硬下墜

鱉甲 露蜂房 蛇蛻 蝟皮

猪後懸蹄 五味燒存 性各二錢 麝香 一分

右為末每服一錢空心生地黃煎湯調下更傳之
又方熱痛用寒水石朴硝為末以津調搽

附方

○六味丸 方見二十四卷第十一論

○加味地黃丸 方見二十四卷第六論

○婦人脫肛方論第十五

大脫肛者大腸之候也大腸虛寒其氣下陷則肛門翻出或因產努

力其肛亦然也

愚按前症若大腸濕熱用升陽除濕湯若血熱用四物條芩槐花
血虛用四物白朮茯苓兼痔痛用四物槐花黃連升麻中風虛弱
用補中益氣芍藥白朮中氣虛寒加半夏炮薑五味腎虛用六味
丸虛寒用八味丸夫肺與大腸為表裏肛者大腸之門肺實熱則
秘結肺虛寒則脫出腎主大便故肺腎虛者多有此症

附治驗

一婦人脫肛用補中益氣加味歸脾各百餘劑而愈後因分娩復脫
仍以前藥各二百餘劑始愈

姚和衆以鐵粉傳之良聖惠方亦治
陰脫除腫

集驗方以生鐵三斤水一斗煮至五升取水洗日二次

一方用五倍子煎湯洗以赤石脂末搽上托入或脫長者以兩床相
並中空尺許以磁瓶盛湯令病人仰臥浸瓶中逐日易之收盡度為

附方

○升陽除濕湯 自下而上者引而竭之

升麻 柴胡 防風 神麩炒 澤瀉 猪苓各半兩
蒼朮一兩 陳皮 甘草炙 大麥蘖各三錢

右每服五錢水煎空心服胃寒腸鳴加益智仁半夏各半錢薑棗
同煎

○四物湯 ○補中益氣湯 二方見二十四卷第六論

○六味丸 ○八味丸 二方見二十四卷第十一論

○婦人陰腫方論第十六

婦人陰腫因胞絡素虛風邪客之乘於陰部血氣相搏故也

愚按前症若氣血虛弱用補中益氣湯舉而補之肝經濕熱用龍膽瀉肝湯滲而清之若陰腫陰痒陰冷陰挺當與後論互相參看

附治驗

一婦人陰中腫悶小便澀滯兩脇作腫內熱晡熱月經不調時或寒熱此因肝脾鬱怒元氣下陷濕熱壅滯朝用歸脾湯加柴胡升麻鮮鬱結補脾氣升元氣夕用加味逍遙散清肝火生肝血除濕熱各數劑諸症悉愈又用四君芍歸丹皮調補肝脾而經水如期

○首蒲散 治月水澀滯陰間腫痛

首蒲

當歸

各一兩 秦瓦

右每服五錢入葱白水煎

○白礬散

治陰腫堅痛

白礬

半兩

甘草

半錢

大黃

一兩

右為末水和用棗大綿裹內陰中日兩換以愈為度

附方

○補中益氣湯

方見二十四卷第六論

○龍膽瀉肝湯

方見二十四卷第八論

○婦人陰痒方論第十七

婦人陰痒為三蟲在腸胃之間因臟虛而蝕陰中微則為痒甚則為痛也

則為痛也

愚按前症屬肝經所化當用龍膽瀉肝湯逍遙散以主其內外以桃仁研膏和雄黃末或鷄肝納陰中以制其蟲

附治驗

一婦人胸膈不利內熱作渴飲食不甘肢體倦怠陰中悶痒小便赤澹此鬱怒傷肝脾所致用歸脾湯加山梔而愈復因怒患處并小腹脹痛用小柴胡加山梔芍藥痛止用逍遙散加山梔而愈又因勞役患處腫脹小便仍澹用補中益氣加山梔茯苓丹皮而愈一婦人陰內痛痒不時出水食少體倦此肝脾氣虛濕熱下注用歸脾湯加丹皮山梔芍藥柴胡生草主之而安

一婦人陰內痛痒內熱倦怠飲食少思此肝脾鬱怒元氣虧損濕熱所致用參芪歸朮陳皮柴胡炒梔車前升麻芍藥丹皮茯苓而瘥若陰中有蟲痒痛亦屬肝木以桃仁雄黃研納陰中以殺之仍用清脾解鬱之藥有以鷄肝納之者乃取蟲之法也

○張膽瀉肝湯

方見二十四卷第八論

○逍遙散

方見二十四卷第四論

○婦人陰冷方論第十八

婦人陰冷因勞傷子臟風冷客之用五加皮乾薑丹參蛇床子熟地黃杜仲各三兩鍾乳粉四兩天門冬一兩地骨皮二兩酒十五升漬二宿每服一盞空心食前飲之

愚按前症屬肝經內有濕熱外乘風冷所致若小便澀滯或小腹痞痛用龍膽瀉肝湯若內熱寒熱或經候不調用加味逍遙散若寒熱體倦飲食少思用加味四君子若鬱怒發熱少寐懶食用加味歸脾湯

附治驗

一婦人陰中寒冷小便黃澀內熱寒熱口苦脇脹此因肝經濕熱用龍膽湯祛利濕熱用加味逍遙散調血氣而安

一婦人所患同前更寒熱嘔吐兩股腫痛先用小柴胡如山梔一劑寒熱嘔吐頓止次用龍膽瀉肝湯一劑腫痛頓消

一婦人陰中寒冷小便澄清腹中亦冷飲食少思大便不實下元虛寒治以八味九月餘飲食漸加大便漸實又月餘諸症悉愈

○八味丸 治血弱不能榮養臟腑津液枯澁風寒客於子臟以至陰冷

愚按此丸果係肝脾腎虛殊有神効

附方

○小柴胡湯

方見二十四卷第二論

○龍膽瀉肝湯

方見二十四卷第八論

○加味逍遙散

○加味歸脾湯

一方見二十四卷第四論

○加味四君子湯

方見二十四卷第六論

○婦人陰挺下脫方論第十九

婦人陰挺下脫或因胞絡損傷或因子臟虛冷或因分娩用力所致愚按前症當升補元氣為主若肝脾鬱結氣虛下陷用補中益氣湯若肝火濕熱小便澀滯用龍膽瀉肝湯

附治驗

一婦人陰中突出如菌四圍腫痛小便頻數內熱嘔熱似痒似痛小便重墜此肝脾鬱結益肝火濕熱而腫痛脾虛下陷而重墜也先以補中益氣加山梔茯苓車前子青皮以清肝火升脾氣更以加

味歸脾湯調理脾鬱外以生豬脂和藜蘆末塗之而收

一婦人陰中挺出五寸許悶痛重墜水出淋漓小便瀉滯夕與龍膽瀉肝湯分利濕熱朝與補中益氣湯升補脾氣諸症漸愈再與歸脾湯加山梔茯苓川芎黃柏悶服調理而愈後因勞役或怒氣下部濕痒小水不利仍用前藥即愈

又方治前症用麻子仁研塗頂中自吸入即洗去

附方

○補中益氣湯 方見二十四卷第六論

○龍膽瀉肝湯 方見一十四卷第八論

○歸脾湯 ○加味歸脾湯 二方見二十四卷第四論

○婦人陰中生瘡方第二十一

編謂前症乃七情鬱火傷損肝脾濕熱下注其外症陰中出如蛇如菌或如鷄冠狀或生蟲濕痒或潰爛出水或腫悶墜痛其內症體倦內熱經候不調或飲食無味肺熱發熱或胸脇不利小便痞脹或赤白帶下小水淋漓其治以腫痛者四物湯加柴梔丹皮膽草濕痒者歸脾湯加柴梔丹皮淋瀝者龍膽瀉肝湯白朮丹皮潰腐者逍遙散山梔川芎腫悶墜痛者補中益氣湯山梔丹皮佐以外治之法

一婦人潰腐膿水淋漓腫痛寒熱小便赤瀉內熱作渴肢體倦怠胸脇不利飲食少思余以為肝脾虧損用補中益氣內柴胡升麻各用一錢加茯苓一錢山梔二錢數劑少愈又與歸脾湯加山梔川芎茯苓三十餘劑諸症悉退惟內熱尚在再與逍遙散倍用山梔而愈

婦人素性急陰內痛小便赤澀怒而益甚或發熱或寒熱此肝經濕熱所致用芎歸炒梔柴胡苓朮丹皮澤瀉炒芍車前炒連生草數劑漸愈又去黃連澤瀉又數劑全愈

附方

○四物湯 ○補中益氣湯 二方見二十四卷第六論

○逍遙散 ○歸脾湯 二方見二十四卷第四論

○龍膽瀉肝湯 方見二十四卷第八論

○小柴胡湯 方見二十四卷第二論

○女人交接傷丈夫頭痛方第二十一

愚按前症當用補中益氣六味地黃以滋化源為主來復丹交接相傷四肢沉重頭痛昏暈米飲下

右每服五十丸 方見二十五卷第十論

附方

○補中益氣湯 方見二十四卷第六論

○六味丸 方見二十四卷第十一論

○女人交接輒血出痛方第二十二

一婦人每交接出血作痛此肝火動脾而不能攝血用補中益氣濟生歸脾二湯而愈若出血過多而見他症但用前藥調補肝脾千金療交接血出

桂心 伏龍肝 各等分 ●為末酒服錢許

附方

○補中益氣湯 方見二十四卷第六論

補中益氣湯

言補婦人良方
濟生歸脾湯

方見二十四卷第四論

○婦人交接他物所傷方第二十三

一婦人交接出血作痛發熱口渴欲嘔或用寒涼之藥前症益甚不時作嘔飲食少思形體日瘦余曰症屬肝火而藥復傷脾所致也先用六君加山梔柴胡脾胃健而諸症愈又用加味逍遙散而形氣復

一婦人陰腫下墜悶痛出水胸腹不利小便頻數內熱彌熱口苦耳

鳴此肝脾火症用小柴胡加車前膽草苓朮升麻一劑稍愈又用

加味逍遙加升麻數劑漸愈乃以加味歸脾加升麻柴胡并補中

益氣加山梔數劑頓愈仍用加味逍遙加味歸脾二藥調理全愈

一婦人患前症熱痛或用寒涼敗毒藥飲食不入時欲作嘔小腹重

墜余謂此脾胃復損元氣下陷先用補中益氣加炮薑二劑重墜

頓愈又加茯苓半夏二十餘劑而愈乃以歸脾湯少加柴胡升麻

并六味地黃丸而康

又方割鷄冠血塗之以赤石脂末摻之五倍子末亦良

附方

○六君子湯 ○補中益氣湯 二方見二十四卷第六論

○加味逍遙散 ○加味歸脾湯 ○歸脾湯 三方見二十四卷第

○六味丸 方見二十四卷第十一論

○婦人小戶嫁痛方第二十四

愚按前症當從二十一論互相主治

千金方療小戶嫁痛

甘草 生薑各五分 白芍藥四分 桂心二分

右以酒二升煎三四沸服

又方海螵蛸燒爲末酒服方寸七日三服

又方小麥甘草等方煎湯洗甚効

三刻太醫院補註婦人良方大全卷之九

求嗣門

疾病旣無預知

求嗣故以次之

○陳無擇求子論第一

有夫婦必有父子婚姻之後必求嗣續故古人有不孝有三無後爲大者言嗣續之至重也凡欲求子當先察夫婦有無勞傷痼疾而依方調治使內外和平則有子矣

愚按丹溪先生云人之育胎者陽精之施也陰血能攝之精成其子血成其胞胎孕乃成今婦人無子者血少不足以攝精也血之少也固非一端然欲得子者必須補其精血使無虧欠乃可以成胎孕若泛用秦桂丸之劑薰成臟腑血氣沸騰禍不旋踵矣竊謂

婦人之不孕亦有因六淫七情之邪有傷衝任或宿疾淹留傳遺
臟腑或子宮虛冷或氣旺血衰或血中伏熱又有脾胃虛損不能
營養衝任審此更當察其男子之形氣虛實何如有腎虛精弱不
能融育成胎者有稟賦無弱氣血虛損者有嗜慾無度陰精衰憊
者各當求其源而治之至于大要則當審男女之尺脈若左尺微
細或虛大無力者用八味丸左尺洪大按之無力者用六味丸兩
尺俱微細或浮大者用十補丸又巢氏謂夫妻年命尅制墳墓不
利者理或有之若誤用辛熱燥血不惟無益反受其害今以素不
後而得子
者附于左
生育病愈

治驗餘見醫學綱目求嗣部

一婦人月經淋漓愈而生子見一卷月水不調

一人患陽氣虛寒愈而生子見五卷冷勞第四症

一婦人患結核愈而生子見一十四卷結核類第三症

一婦人稟弱經行腹痛而生子見一卷經行腹痛

一婦人素虛弱患鶴膝風愈而生子見一十四卷膝風

一婦人患瘰癧愈而生子見一十四卷瘰癧第一症

一婦人患蠶唇愈而生子見一十四卷瘰癧第一症

○褚尚書求男論第二

建平孝王妃姬皆麗無子擇民家未笄女子入御又無子問曰求男
有道乎澄對曰合男女必當其年男雖十六而精通必三十而娶女
雖十四而天癸至必二十而嫁皆欲陰陽完實然後交而孕孕而育
育而子堅壯強壽今未笄之女天癸始至已近男色陰氣早洩未完

而傷未實而動是以交而不孕孕而不育而子脆之不壽此王之所
以無子也然婦人有所產皆女子者有所產皆男者大王誠能訪求
多男婦人至官府有男之道也王曰善未再期生六男夫老陽遇少
陰老陰遇少陽亦有子之道也

○無子論第三

夫無子者其因有三一墳墓風水不利二夫婦年命相尅三夫婦疾
病墳墓不利年命相尅此非藥力可致若夫婦疾病必須藥餌然婦
人無子或勞傷血氣或月經閉澀或崩漏帶下右尺浮則爲陽絕或
尺微瀆或少陰脈浮緊或尺寸俱微弱者皆致絕產若調攝失宜飲
食失節乘風襲冷結於子臟亦令無子也

○千金翼求子方論第四

論曰夫婦之居幽閨類多血氣不調胎妊生產崩傷之異比之男子
十倍難療其或七情失宜或飲食無度或胎瘡未愈而遽合或登廁
風入陰戶便成痼疾若欲求子交感之時必天日晴明神思清爽氣
血諧和與天德福德相合夫婦本命五行相生并本命帝旺而生者
則壽而賢否則不可得也

○交會禁忌第五

凡求子宜吉良日交會當忌丙丁及弦望晦朔大風雨霧寒暑雷電
霹靂天地昏冥日月無光虹蜺地動日月薄蝕及日月火光星辰神
廟井竈園厠塚墓死柩之傍若交會受胎多損父母生子殘疾夭枉
愚頑不孝若父母如法則生子福德智慧驗如影響可不慎哉

○男子受胎時日法第六

凡男子受胎皆以婦人經絕一日三日五日為男仍遇月宿在貴宿日若以經絕後二日四日六日瀉精者皆女過六日皆不成胎又遇旺相日尤吉半夜入房生子者賢明貴壽餘時皆凶

○推支干旺相日法第七

春甲乙夏丙丁秋庚申冬壬癸春寅卯夏巳午秋申酉冬亥子

○推每月宿日第八

正月	初一初六初九初十一十二十四二十一二十四二十九
二月	初四初七初八初九初十二十四十九二十二二十七
三月	初一初六初七初八初十七二十二二十五
四月	初三初四初五初六初八初十五十八二十二二十八
五月	初一初二初三初四初五初六初十十二十三十五十六

十二十五二十八二十九三十日

六月	初一初三初十十三十八二十二二十六二十七二十八二十九日
----	----------------------------

七月	初十一十六二十一二十四二十五二十六二十七二十九
八月	初五初八十三十八二十一二十二二十三二十四二十五二十六日

九月	初三初六十一十六十七二十二二十一二十四日
十月	初一初四初九十四十七十八十九二十二二十九日
十一月	初一初六十一十四十五十六十七十九二十六二十九日
十二月	初四初九十二十三十四十五十七二十四二十七日

若春合甲寅乙卯夏合丙午丁巳秋合庚申辛酉冬合壬子癸亥與

上月宿日合者佳

求子服藥須知第九

論曰夫人求子服藥須知次第男服七子散女服盪胞湯紫石英門冬丸及坐導藥則無不效矣

○七散子 主丈夫氣虛精氣衰少無子

牡荊子 五味子 兔絲子 車前子 菴荑子 山藥

石斛 熟地黄 杜仲 鹿茸 遠志各八分 附子炮

蛇床子 川芎各六分 山茱萸 天雄各五分 桂心一分 白茯苓

牛膝 人參 黃芪各五分 巴戟一分 菴蓉七分 鐘乳粉八分

○慶雲散 主丈夫陽氣不足不能施化

覆盆子 五味子各二升 兔絲子一升 白木炒 石斛各三兩 麥門冬

天雄各九兩 紫石英二兩 桑寄生四兩

右為末食後酒服錢許日三服或米飲調冷去桑寄生加細辛四兩陽事少去石斛加檳榔十五箇

○盪胞湯 治婦人全不產育

朴硝 牡丹皮 當歸 大黃蒸一飯久 桃仁各三兩 細辛

厚朴 苦梗 赤芍藥 人參 茯苓 桂心

甘草 牛膝 陳皮各二兩 附子炮一兩半 蝨蟲炒焦去足

水蛭炒各二枚

○坐導藥 治婦人全不產及斷續更服盪胞湯

皂角去皮一兩 吳茱萸 當歸 大黃 晉礬枯 戎塩

一作七散

川椒各二兩 五味子 細辛 乾薑各三兩 ○一方無萊萸有萸 麩苦藪各三分

右為末以絹袋盛如指狀入陰中如欲小便去之一日仍易之如
子宮有冷水天陰則痛須候下盡而止藥每日早晚用苦菜煎湯
薰洗着藥後一日服紫石英丸

○紫石英丸

紫石英 天門冬各二兩 紫葳 牡蒙各二兩 粉草 一兩

桂心 川芎 卷栢 烏頭炮 熟地黃乾 辛夷仁

禹餘糧煨醋 當歸 石斛各三兩 烏賊骨 牛膝

薯蕷各六分 桑寄生 人參 牡丹皮 乾薑 厚朴

續斷 食茱萸 細辛各五分 栢子仁一兩

右為末蜜丸桐子大每服二十九溫酒下

○續嗣降生冊 治婦人五臟虛損子宮冷憊不能成孕

當歸 桂心 龍齒 烏藥 益智 杜仲

石苜蓿 吳茱萸各一兩半 茯神 牛膝 秦朮

細辛 桔梗 半夏 防風 白芍藥各三錢

乾薑一兩半 生半炒 附子重一兩者作一竅入硃 炒一錢濕麩裹煨為末 川椒二兩 焙

壯獮二兩童便浸四十九日却用硫黃末一兩 塗用紙裹之水醋間濕蒸泥固濟用炭煨

右為末用糯米糊丸桐子大每服三十丸至百丸空心淡醋溫酒
搥湯任下日二服及治男子精寒不固陽事衰弱白濁夢泄婦下
寒熱諸虛百損盜汗氣短預服此藥者無不感應

愚按前五方多慄悍之味治當審察病因不可輕用又秦桂養真
白薇菜萸地黃紫石英陽起石暖宮濟陰丹湯藥數方尤為慄悍

潤

言補婦人良方 九卷
不可輕服未敢悉錄

寶禹鈞夜夢其亡祖父謂之曰汝緣無子又且不壽宜修善行自是
佩服乃訓復夢祖父謂曰汝名掛天曹以有陰德特延筭三紀徹錫
五子悉皆榮顯

張慶司獄惟務方便年五十始生子嘗有一道人丐於門謂慶曰汝
本無嗣今聞嬰兒聲非若子乎慶曰偶得一子道人曰信乎陰德未
易量爾之積累善事非一朝一夕今不但有嗣又喜子孫文學之貴
宜善保之後果如其言

馮商其妻每勸置妾商取一女已成聞其父因官綱逋欠折鬻女以
償之商惻然不忍犯更益以資進送還其父明年生馮京後登狀元
馬默未有嗣知登州日奏活沙明島罪人不致枉死一日夢中見身
使挾一男女乘空來其前呼曰爾本無嗣以活人數多 上帝特賜
男女各一言訖不見果如其言

時邦美之父老而無子置一妾對暗空悲泣問之乃曰父卒於官醫
妾欲辦喪耳時遂携金偕往其家殯葬而歸未幾生邦美後舉進士
官至吏部

表韶父爲郡吏年五旬置一妾乃宦家女也父歿家貧鬻而歸葬表
知其故卽送還更以囊資益之明年生韶旣長爲參知政事
馮涓之父無子置一妾聞其父喪官所無力歸葬故鬻此女卽日訪
其母而歸之且厚資助夜夢一羽衣曰天錫爾子慶流涓涓明年生
一子因名曰涓旣長及第

人之無嗣或因丈夫陽氣之不足不能施化或因婦人陰血衰憊百

疾攻之以致然也故先賢立方再則以故後人或者用計百端妄勝
無數及皓首終身不能如其意者是皆心行有虧非命也苟能革心
之非所行向善積德累功施恩布惠則上天之報施自然慶流後裔
此溫隱求嗣篇所由作也予嘗讀 聖朝為善陰騭書因覽寶禹鈞
等數人所履皆言此事歷歷可鑑謹錄附贅于此以為求嗣者勸戒
之一助云爾

溫隱居求嗣保生篇第十

昔東京焦公三世無嫡嗣為商旅遊說名山尋訪至人問其因至京
都遇一老僧聲清而神朗談論甚異焦惟而問之曰貧家三世無嫡
嗣奈何僧曰無嗣者有三一祖宗無德自身無行二夫妻年命恐犯
禁忌三精神不守妻妾血寒焦公曰血寒有何法術願聞一言僧曰

先修德後修身三年之後到臺山當授異方說畢忽不見焦一遵其
言後赴五臺見一行童手持一書言曰老師傳語大夫功成行滿賜
方藥名續嗣降生丹依方服之當生富貴之子焦員外子生子不肖
亦赴五臺見行童曰老師昨日見員外何必來問我但依爾父所行
愚者自賢焦曰愚豈能賢乎行童曰昔竇氏五子皆不全形後行恩
布德悉登科第焦氏拜謝而歸奉行雕板印施方書不及二十年子
孫數人皆貴顯後人收得此行狀及方受持行用求藥者獲其子孫
皆有德行余躬受此方不敢緘默併錄篇論以告諸賢庶不致異方
湮沒耳

正統間合肥人羅誠年六十無子因連坐謫保安州為民將至居庸
解者逃回羅赴關自告或者曰於海城人所不堪今解者既去君

可無往也羅曰吾罪本爲人所累使之歸復以此累人吾不忍也且國皇法不可輕違遂至州夜有二盜疑其有所携乃穿穴以取之其妻覺預置沸湯俟其入則沃之既穴二人將入羅起諭之乃去次日羅至市忽有二人俯伏道傍羅問之乃夜穿穴者也二人曰吾輩相戲幾被傷殞賴公曉諭二命得生公所賜也後羅凡出外二人必爲之守護未幾羅妻卒妾生一子任延安守一女適隆慶衛指揮使王欽

禮部尚書沆立齋云有二老一有子而富一無子而貧居址相隣因居高岡其上有瑩墓二老欲掘墓開窰以取利貧者以告其妻妻曰岡後有墓開以爲窰不惟燒損地脈壞人風水且近墳穴不可爲也遂已之富者開岡見尸則焚之後見骸骨甚多悉棄於水因致巨富乃起岑樓以蓄財物每夜蒙之者屬皆居於上去其梯以示賊不能犯不意賊有劉六者率有晝至家屬不及登樓者則投井而死其登樓者被焚而死人以爲焚尸於火棄尸於水之報也其貧者後致巨富生一子益其家業云

家

弘治間京師有黃剛者因無子每歲夏秋修合痢疾施之忽鄰里於靜夜聞人言黃公積善久矣送以一嗣後果有子名弘治間有張某自太醫院恩生仕至縣尹老而無子在縣篤於惜民已而陞爲郡守民深感其惠在郡生子亦德政之所致也正德間夏誠字純夫吳江縣人錦衣衛籍中順天府鄉試任武城縣尹愛民甚篤因忤上司遂歸老於家舊民到京者懷其德惠憐其清苦莫不以財帛助之垂老得子名後者甚豐歛縣民於中途

劫之子女皆被其害

黃善貧而無子傭工爲業富民僱五命其開窰取土因鋤土見尸棺以舊土掩之乃從遠地擔土而歸後倪貧而黃富亦開窰倪亦傭工於黃家黃甚惜之與之共食倪因患時瘡爲人憎遂投水而死黃聞之遂收其尸而殯之遂有子且繼其富作善降祥信不誣矣竊聞之書曰惠迪吉從逆凶惟影響又曰作善降祥作惡降殃子之有無自王室至於庶民亦在乎陰德而豈可專泥於藥哉



